

分宜縣志卷一

地理志

星野
古蹟

疆域
風俗

沿革
物產

山川

水利

津梁

宋始置縣析自宜春翼連分野斗映星辰撫我疆里
通變宜民羣山轟轟眾水粼粼環遶四境利導相因
鐘峽鎖鑰昌峽嶙峋上游高踞四達通津古人已往
事蹟猶新俗崇樸素物鮮奇珍斯地可樂書上和親
志地理

星野

吳地斗分壅也今之會稽九江丹陽豫章廬江廣陵六
安臨淮郡盡吳分也楚地翼軫之分野也今之南郡

分宜縣志

卷一

地理
星野

一

江夏零陵桂陽武陵長沙及漢中汝南郡盡楚分也
右漢書地理志

自南斗十二度至須女七度為星紀於辰在丑吳越之
分野屬揚州自張十七度至軫十一度為鶉尾於辰
在巳楚之分野屬荊州

右晉書天文志

江南道蓋古揚州南境漢丹陽會稽豫章廬江零陵桂
陽等郡長沙國及牂柯江夏南郡地潤異常蘇湖杭
睦越衢處婺温台宣歙池洪江饒虔吉袁信撫福建
泉汀漳為星紀分

右唐書地理志

揚州管斗吳之分野兼得楚及南越之交

右杜佑通典

是郡也翼軫之所照燭江湖之所深射

右符載鍾陵東湖亭記

晉張華雷煥見斗牛間紫氣求之得寶劍於豐城故王子安滕王閣詩序云物華天寶龍光射斗牛之墟吳分也又云星分翼軫地接衡廬玉海云天關翼軫之疆地振江湖之國則以其近於楚分也而或者以子安為誤誤矣於次為星紀為鶉尾

分宜縣志

卷一 地理 星野

二

右郭子章豫章書

按史漢諸書悉以今全省為星紀分而未言度數晉書州郡躔次始云九江入斗一度廬江入斗六

度晉地理志廬江郡有尋陽縣豫章入斗十度會稽入牛一度

吳分會稽立東陽郡其大末信安二縣地今半屬廣信府至一統志引二十八

宿圖說云斗六星二十五度為吳之分野南昌入斗之八度饒州廣信同居七度瑞州三度建昌五度撫州六度吉安九度贛州十二度南康臨江袁州南安俱斗四度而九江則入牛五度其分郡尤晰說雖與九江入斗一度豫章入斗十度相逕庭

第星紀之次言人人殊黃帝分星次斗十一度至
娶女七度曰須女又曰星紀費直分星次斗十度
至女五度爲星紀蔡邕分星次斗六度至須女二
度謂之星紀已與陳卓范蠡鬼谷張良諸葛亮譙
周京房張衡互異夫斗宿不足以盡全省則黃山
谷道院賦云勾吳之區爲斗所直直之爲言主也
而旁及牛者有之此以知王勃滕王閣詩序光射
斗牛之說允矣獨星分翼軫天官家歷無此說惟
玉海云天關翼軫之疆地振江湖之國與王說相
表裏特鶉尾初張十八度中翼十八度終軫十一

分宜縣志

卷一

地理 星野

三

度翼於全省無涉因分軫而連類以及耳司馬遷
稱吳楚之疆候在熒惑占於烏衡以同占推類言
之又以知全省地兼荆揚星紀之外旁及鶉尾而
袁屬近軫之分野益信有善甘石之術者自能辨
之

氣候

江西廣袤千餘里彼此遠近氣候各殊而袁近楚分宜
居宜春之下新喻之上中貫秀水縣治豁然天開南
逼迫而北空曠近治物候視四鄉爲早得氣之先入
春景色和煦礎潤蒸濕入夏尤甚驚蟄微凍仲春卽

暖亦或冬多暖而春多寒三月種稻視四鄉先半月
鄉種早稻在四月初插秧時涼冷數日諺曰栽禾寒
四五月多雨自黃梅雨發物易霉變山谷烟嵐之氣
侵人南風夏扇日就炎燠初秋餘暑毒熱反勝三伏
諺曰秋老伏近郭早稻夏熟四鄉必近秋始穫西北
多早稻東南多晚稻九月始穫大約山寒水冷宜晚
稻也其餘雜糧應候成熟與全郡相似八月望後隴
風颯颯及旬九月涼颼振槁霜候逼木葉落十月後
風威甚則雪霰集十一月冬至後則雪濃冰凍大降
瑞雪其或霜雪稀少則次年種蒔多蟲蓋氣和則順

分宜縣志

卷一

地理 星野

四

候乖則戾天道徵應不爽善言天者必有驗於人歲
月日時之有省暑雨祁寒之無咨是在司牧者之加
意云爾

疆域

在布政司南四百八十里在府東八十里廣六十里袤
一百五十四里

東陸大路自縣東門二十里至界首汛臨江府新喻縣
交界

西陸大路自縣西門四十里至彬江市合山本府宜春
縣交界

南陸大路自縣東門萬年橋五十四里至車谷吉安府
安福縣交界

東北陸大路自縣東門一百里至櫟頭山臨江府新喻
縣交界

西北陸小路自縣北門九十里至梁觀村本府宜春縣
交界

東南陸大路自縣東門五十里至迎塘嶺吉安府廬陵
縣交界

西水路自西門渡口四十五里至彬江合山本府宜春
縣交界又自楊潭十里至車田與宜春交界

分宜縣志

卷一

地理 疆域

五

東水路自縣東門二十里至袁家渡臨江府新喻縣交
界

沿革

本宜春縣地 輿地廣記

雍熙元年置分宜縣 府志

析宜春之神龍招賢等十鄉置分宜縣以便民欲當宜

春新喻兩縣界之中也 太平寰宇記

元明仍舊

皇清因之編戶一百八十里 安志

按袁屬於古爲荒服之國禹貢職方均曰揚州春

秋戰國之際吳楚奄有其地秦并天下置三十六郡袁屬九江郡漢高祖置豫章郡宜春隸焉吳統於安成郡晉太康元年平吳避太后諱改宜春爲宜陽仍隸安成郡屬荊州宋齊梁陳因之隋開皇九年平陳廢安成郡因袁山之名置袁州大業初改州爲郡依漢制置太守而袁爲宜春郡領縣三萍鄉宜春新喻唐初改郡爲州太守爲刺史復置袁州領縣如故天寶元年改爲宜春郡乾元元年復爲袁州宋開寶八年曹彬平江南得州十九袁居其一是年割筠州萬載來屬至雍熙元年析宜

分宜縣志

卷一

地理沿革

六

春之神龍招賢豐樂化全儒林彰善挺秀文標旌儒清教十鄉立分宜縣屬袁州元隸湖南行省至元十九年升袁州路隸江西行省明改爲袁州府隸湖西道統南贛巡撫此歷代沿革之大端也

山

縣治龍脉發自上高末山由末山厯邑北諸山至袁嶺七峯之第二峯疊嶂南下十餘里衍爲平坡分兩支由西北入城

鈴岡在縣南里許自紅花仰棲霞嶺南出爲將軍擂鼓香爐諸山至忠武嶺折而北紆迴數里爲賀源起天

井陵鈐西山昔爲城隍社背經里許橫過爲鈐岡新澤水出於右長壽水出於左兩水夾流山未故名鈐端秀凝重正對縣治羣峯圍合如列屏障上有仰山孚惠行祠山腰有泉涓流不竭自卓泉上至振衣爲亭者四一傍雲二翠微三撫松四漱石明萬厯間知縣周應治創半山有亭曰問泉司李徐之孟建崇正癸未冬值張獻忠寇變亭皆傾圮 國朝康熙甲辰守道施閏章捐貲重建撫松亭今亦廢

附文

明教諭李一誠鈐岡四亭碑引并偈云分宜縣之南

分宜縣志

卷一

地理 山

七

有鈐岡融結高聳包羅四面峯巒秀偉草木森鬱中構得翠樓眞勝境也逶迤而上約二三里許登覽者苦無駐足之處邑令周侯因卓泉亭接建四亭其一曰傍雲其二曰惠風其三曰得月其四曰漱石大都木植磚瓦取之舊物不廢公帑不資編氓不踰月而功告成遊斯亭也撫景眺望奇趣在目而妙悟自得風物稱懷而塵務頓釋仰有宇宙之大豁乎其開吾之心胸也俯有品彙之盛充乎其益吾之智慮也所謂心爲之曠神爲之怡矣宜民宜人豈不同樂乎哉侯之蒞政三年諸所刱建儘多此特其一耳迺爲之

偈曰賢哉周侯心地優游政和民安諸建是修鈐岡
四亭登者曰休山巒天秀風水益衰士民忻悅誦德
永悠如飲卓泉殷望原流

明知府黃鳴喬鈐岡紀勝序云袁饒佳山水而分宜
尤勝卽洪陽一洞蜿蜒盤旋計十數里中有七十二
穴所指爲日月星辰雲水烟霞仙釋鳥獸昆蟲器具
諸數靡不肖似誌云目不周玩情不給賞亶其然乎
而邑傍復有鈐岡嶙峋插天萬松蒼鬱其下長溪環
抱澎湃湍激聲殷於雷每緩步遵蹊夾道陰翳無慮
數十折山岫有泉一泓清徹可鑑由泉而上幻變萬

分宜縣志

卷一 地理 山

八

狀相傳爲景有八則其大畧也予嘗從公餘兩衡之
洪洞以奇勝鈐岡以正勝洪洞去城二十里許稍費
跋涉而鈐岡則出郭不數武公事羸畢可扶筇醉其
上洪洞幽邃元窈若螺尾然非火炬不得前且遊者
惟秋冬爲便若春夏則嵐液襲人而毒螫怪蟄時亦
有之鈐岡峻絕宏敞雨晴雲月靡不宜人况樓閣亭
臺參差布列而禪房尤快棲息予嘗謂洪洞有志而
鈐岡亦不應泯泯茲大令李君將部署之復搜先後
所題詠者編集成帙問序於子予欣然爲之憇憑第
媿筆非如椽弗克傳照正張喬詩中勢奇看不定景

變寫難真者也姑爲勒數行以塞其請

知縣李元弼鈐岡志引云山川奇勝顯晦有時車轅馬跡之所不及則闕而弗顯及顯矣而狎之爲無甚奇則弗顯勿狎矣而表章未能則弗顯噫山靈將無笑人哉袁爲江右奧區洪陽鈐岡山洞之最勝也而皆屬分宜洞去治署僅一舍岡則環對旦夕相揖也而當塗顯者覽勝探幽殆無虛月乃問其志則俱寥寥洞志自觀察鄔公檄王司李重輯岡志自郡伯檄予創修余實奉成命部署其事嘻兩山不遇兩公將汶汶湮沒已哉余耽幽興且憎世套幸邑地僻而事

分宜縣志

卷一

地理山

九

簡得以其閒遊憩兩山自喻適志竊謂洪陽之窈深靜雅吾良友也鈐岡之端凝峻朗吾亮友也兩山皆厚余余其敢薄於兩山洞志旣成而余精稍弗逮因陟眺鈐岡朗誦雲出岫登東臯之詞冷然神動爰將和之遂移疾乞身然終不敢委郡伯之命而負鈐山之靈故爲之蒐輯殺青以告成事夫余自免得請當穩臥江臯不能有鈐岡矣郡伯公才望峻隆又將爲高遷遠舉亦且不能有鈐岡矣惟茲志旣成時與洞志俱置案頭庶幾旦夕得左右兩山乎是鈐岡藉郡伯以顯而余亦得藉郡伯以謝兩山也是余之幸也

夫是余之幸也夫

國朝進士巢震林鈐岡記畧云余過袁州謁保定王
敞庵夫子登宜春臺探大小袁山及珠泉諸勝二百
里皆從山中行峯巒百出應接不暇而聚靈結秀莫
過鈐岡相傳爲嚴相國游息處其下爲分宜縣治出
郭卽長橋跨江不數武抵山足山陡險四削肩輿不
得上余恃有躋險之具拾級步行入第一門鳥道崎
嶇闢而爲徑盤折數十層至翠微亭少憩松風謾謾
比萬頃濤再上爲得月亭又里許爲惠風亭其最上
者爲傍雲亭每至一亭輒當一面之勝東西南北隨

分宜縣志

卷一

地理 山

十

足所轉絕巘飛巖輒換景相送其高踞岡頂者則仰
山行宮遭寇炬宮已焦土道士構造草廬以祀香火
計嶺周圍不滿二里而自山足以至於巔凡五里至
於連山拱揖則不知其幾千萬重也諸山縱橫在目
每兩山界合澗水汨汨積爲溪河而落星池尤大觀
采山釣水此中當大有苦心肥遯之士土人於其平
衍處卽墾爲田方者圓者斜者狹者各從其地勢爲
之而村其傍樹木蓊蔭雞鳴犬吠雜出籬間遠寺之
鐘聲木魚聲亦時入耳濯纓泉亭則在半山之間去
地數尋大旱不嘆余爲飲一甌甘而有力沁入心脾

山下復有一泉亦泓然浸玉但視上泉稍濁又有萬
卷樓及撫松漱石振衣三亭今盡圯其巋然者又皆
頽楹僅存余盤桓至日晡望城中暮烟興猶未盡將
俟初月到樹而令公張鵬南促歸張公名雲路博學
尚氣節當大事片言立決蓋當世有心男子也以魏
科來宰是邑民德之比召杜殘城綏集如舊爲余言
洪陽仙洞之勝尚當踵而遊之

附詩

明贛南道王守仁謁鈐山詩云古廟香燈已有年增
修還費大官錢至今楚地多風雨猶道山神駕鐵船

分宜縣志

卷一

地理 山

又十

知府徐璉登鈐漫述詩云一方雄鎮幾經秋觸目清
奇屬勝遊雲鎖翠峯盤鳳閣江橫碧岸繫龍舟林深
暮景棲鴉鳥雨霽祥光射斗牛物阜民安知有賴登
臨回首漫吟謳

邑紳嚴嵩雪霽登鈐山詩云千峯積瑤素環宇映空
明仙人好赤脚獨躡層冰行疊石疑瓊島高樓思玉
京勁風仍振木朗月已輝城 鈐岡對雨詩云白露
湧巖扉迴飈吹客衣萬松鳴雨急孤閣到人稀眺迥
迷前浦憑高失翠微惜春今已晚虛負採山薇 雪
後鈐山寄友詩云江上日日吹北風茅屋擁被臥如

弓楚鄉物色是燕北晴雪樓臺似畫中病骨總緣詩
思瘦屏居長與歲年窮毳裘貂帽憶京國珮馬朝天
過苑東 憶鈐山寄溪亭明府詩云小逕升堂綠檜
長翠屏終日對鈐岡邱園物色閒閒在朝市風塵事
事忙尙憶琴尊同笑語最憐風雨發舟航朝來馬上
同鄉使爲寄新詩當八行 鈐岡秋集詩云鈐閣高
樓足大觀况逢晴日倚欄杆竹林啼鳥關幽事石磴
松風生晝寒病身自喜逢秋健攜酒聊尋盡日歡萬
事浮生空役役擬從仙客坐蒲團 鈐岡贈傅御史
詩云素琴遠抱有餘清草閣孤峯眼共明黃菊殘逢
詞客病綠樽今對故人情留君少作山中客念我虛
題榜上名信有膏肓在泉石十年從宦竟無成

分宜縣志

卷一

地理 山

十一

邑紳趙錦登鈐山詩云爐烟浮觀闕山炁接氤氳碧
落笙簧奏白雲雞犬聞野吟當麗景同眺得仙羣不
用東山屐酣歌送夕曛 琳宮闕殿白雲
封快意登臨仗短筇萬壑風生啼虎豹千峯日霽秀
芙蓉徑邊採藥還攀石壇上焚香並叩鐘帝子威靈
千古在歲敷膏澤慰三農

邑紳趙濂鈐麓詩云鈐麓頗幽勝新晴景益饒雲霞
輝岫閣草樹暗溪橋竹塢風泉響松林霧縠飄相逢

皓首者跌坐話漁樵 早登鈐山有禱詩云山青川
碧曙光分百丈丹梯躡紫氛松鬣綴花金作粉竹萌
包籜貝爲文天門跌蕩羣眞會霧閣空虛萬籟聞忽
有異人來接引刀圭憑託有殊勲 靈區異凡境登
覽清俗襟樹密日難晶峯高雲易陰凌風思鶴舉吹
簃想鸞吟丹鼎杳無就紫芝遍可尋

趙伯冠登鈐喜雨次韻送瀆濱先生歸秣陵詩云高
岡臺榭俯羣山石磴穿松意自閑絕壁煙雲吹黛色
半巖風雨洗蒼顏幽香風動罌罍外虛谷寒生枕簟
間避暑眞成河朔會秣陵無那送君還

分宜縣志

卷一

地理 山

又十一

邑紳彭鳳九日諸君宴鈐山不及赴詩云九月九日
振衣亭千峯萬壑秋氣清舉杯遙認隔林影打帽時
疑落木聲已辦黃花供客笑便磨蒼蘚紀翁名布衣
入宴成虛約想見羣仙列翠屏

徐桂鈐山贈熊茂初大史詩云清秋雲岫倍相鮮選
勝攜壺此地偏卻怪江流翻樹杪祇忻山色到尊前
星分牛斗雙龍劍雨別岷峨萬里天莫謂此宵離別
易松風蘿月更堪憐

宜春進士袁業泗仰止亭詩云雅意乘清旭曠望豁
心目媿我馬牛身躡此蛟龍躡撥雲靈轍在掃石豐

碑讀高山徒自仰景行未能續 卓泉亭詩云何年
卓篙去遺井猶然冽影落松間雲光映巖端月灑灑
吐瓊花湛湛漱寒石滄浪吾有咏此地真清絕 漱
石亭詩云峭壁控清沚幽人眾峯裏澄澄且濯纓鑿
鑿堪礪齒波淨江如練霞明石似綺坐嘯欲忘言怡
然懷往趾 撫松亭詩云亭高綠四野迴風危湍瀉
極目遠天際盤桓長松下翠色挂蒼龍濤聲嘶萬馬
覺來爽氣襲誰是貞白者 振衣亭詩云高尋石頂
去千仞亭亭許孤鶴橫江過五老排空語掌上列星
辰肘後興雲雨振衣聊躑躅白日生翰羽 傍雲亭

分宜縣志

卷一

地理 山

十二

詩云磴緣鳥道外欣心高世出隻手摩青穹雙屐踏
紅日飄飄凌雲起冷冷御風疾下觀車馬徒終悲塵
世失 得翠樓詩云翠幙靄蒼蒼儼此清都宴山山
芙蕖媚嗚嗚宮商變桃杏醉我目雲煙覲人面橫跨
中天上茲景詎能選 清風閣詩云危閣倚層巔檻
外清虛白天風吹萬里爽籟生兩翮有懷虞廷奏無
羨蘭臺適坐臥北窗下吟歸明月夕
吉水中丞李日宣訪李明府因遊鈐岡詩云仙郎杳
靄寄霞栖我欲從之駕羽霓星海一橫簷際落虹橋
半鎖檻中迷江城歷歷搖晴樹山縣岑岑隱碧溪遙

指河陽花影裏有人昂首倚窗西

邑紳嚴堯日答李自得遊鈐岡詩云閒心常與上方
期鈐岫松高日影遲石磴乍經騷客况晴雲都向彩
毫披蕭疎竹韻眞迎嘯寂歷山禽總聽詞自笑北山
今已負風流陶令是吾師

邑紳彭大科坐鈐山得翠樓詩云雲峯不可躋邈迤
凌空碧梯磴臨丹崖巉岳履危石棧榭珠絲懸連岡
鳥道窄俯視滄溟翻仰攀北斗側凌空振羽翰飄飄
豁胸臆我欲駕長虹傍雲扣元極昌峽煙火迷洪陽
礪道隔吾意竟何如臨風傍奎壁

分宜縣志

卷一

地理 山

十三

國朝湖西道施閏章登鈐岡詩云行役且登臨長橋
倚碧岑問泉尋舊井策馬歇高林城郭江雲合亭臺
野蔓深數株松樹古已受斧斤侵

邑令蔡文鸞鈐岡登眺詩云曲徑盤桓上崔巍紫霧
中南臨翠嶂疊北望碧天空淺水流輕帶長橋駕彩
虹數楹餘古殿頽落任飄風

訓導喻全赤再登鈐岡過鈐西庵詩云爲愛風光好
重來異昔遊淡雲迴複嶺新水翼平疇花眾香難定
山深春自幽肯因登陟倦勝蹟減冥搜 步自西巖
上招提竹樹隈捫蘿驚老獲結宇絕浮埃僧禮逢迎

簡鶯聲斷續來前峯暫箕倨懷抱一時開

陪蔡桐友明府展祀鈐岡詩云翠幃乘春動維南去
不遙送青頻入座酌潦迥過橋磴道盤空蘚齋居敞
閭寥奉盛陪歲事嘉德洽岩堯 移春何必檻燕坐
藹陽和地勝神祠古官閒樂事多行廚供玉饌平野
俯晴莎不以迂疎遠鶯聲共聽歌

教諭胡壽先登鈐步五里嶺抵鈐西寺詩云迢迢山
遠岫雲通俯瞰江流萬壑同羣嶺南來青四合孤城
北峙碧連空春歸漠漠低村外花落深深古寺中賴
有老僧能解語一瓢笑傲綠楊風

分宜縣志

卷一

地理 山

十四

邑紳嚴開禧九日登鈐山詩云邃室愁聽萬壑哀偶
然逐隊上崔巍撫松憑弔山城小倚石俄驚峽水洄
一笛金風吹帽落半樽莢酒送香來醉餘復憶南樓
約猶向隣翁問菊杯

邑紳張夢太九日登鈐詩云風剪疎林眾鳥哀山光
欲紫露崔巍漫攜筇杖追登眺斜倚松亭俯溯洄搔
首驚逢青女降駐顏偏藉白衣來應知此景難多得
且盡茱萸手裏杯

宜春令王光烈望鈐誌懷詩云鈐岡體勢若龍眠翠
栢丹楓景自然薜荔叢深岐路窄巘岼高處遠峯連

斜陽暮捲千山雨，曉氣晴開萬戶煙。卻憶當年人去遠，惟君屹立拄雲天。花朝登鈐岡，卽席間韻詩云：陽回萬物遍春光，百里山河錦樣妝。雨過林巒添翠色，風來桃李送清香。村煙淡若黃金柳，淑氣初宜白練裳。爲愛韶華無限意，紅塵怪逐馬蹄忙。

邑紳嚴宗定九日登鈐山詩云：不須着屐亦登山，尺五天高似可攀。半壁松風隨我過，一岡嵐翠伴人閒。殘碑剔蘚留仙跡，野逕拈花暢醉顏。道是萸房能卜歲，相期插鬢逐雲還。

邑紳袁壽齡九日同人登鈐山至鈐西寺詩二首云：

分宜縣志

卷一

地理 山

十五

鈐岡舊有讀書樓，勝日同尋勝地遊。風景易傷千里目，田園又老一年秋。翠迷昌峽甯中斷，水過鐘山若倒流。更指深林藏古剎，可將雙屐此間留。一曲平湖記落星，人家倚樹晚烟青。渴思江水爲杯勺，臥借雲峯作枕屏。濁酒同傾慙地主，新詩未就笑山靈。鐘聲月色催歸去，喚得漁舟渡淺汀。

紅花仰在縣西南，三十里化全鄉長壽里。中有觀察李憲墓，層巒疊嶂攢簇雲霄由黃坑北出甌背腦右一支爲野源山，經石陂盡於野江濱野江水中一支歷昌田至昌山起高峯，下有閱城君廟唐盧萼建盧肇

記詳廟祀左一支由雙丫峯經獐猪坑起大德嶺北
出爲東坑爲合山旁有院坑庵下爲合山村東出大
坪過羊牯坳跌鴻毛洞至板嶺背爲路口村西出滴
水崖至牛欄坑餘脈盡於合源界宜春彬江濱河
邑紳袁人伯紅花仰題壁詩云四面無依傍禪關寄
在空雲生虛室白花發映山紅臨險怯縱酒興豪思
御風驚人如有句朗誦向天工

邑廩袁人价雨後同人登二仰峯詩云昨夜西風吹
作雨枕邊淅瀝增淒楚晨起開門不見人濛濛霧氣
塞入戶頃刻霧散青天出整頓遊興同起舞寺後况

分宜縣志

卷一

地理 山

十六

有二仰峯何必仙人九節拄狂風吹衣勢欲飛寒氣
逼人噤不語崩雲猛若挾山奔雨後螺鬟清可數七
峯羅列如戟張鈐山蹲踞甘首俯袁江邇透玉帶橫
樹村歷落炊煙吐北望天外萬重山多少畫意將詩
補歸路高歌白雲散漏出斜陽知何處

鄱官嶺與紅花仰遙對在邑南五十五里十都太和里
其陰爲宜春澗富其陽爲分宜石巖頭東出爲甌蓋
嶺又東出爲五嶺西出爲大岡山由甌蓋嶺出爲源
頭大礮下羣嶺羅列稍折而下爲坊上盡於山口臨
長富水由五嶺迴環數里高峯迭出左分一支逆行

而南爲南山汗背綿亘里許一山特聳如鶴立雞羣
名曰鶴山折而東旁爲西建庵逶迤五六里盡於歷
山頭右一支正落平岡爲新齒鋪齒一
什址餘脉盡於白
廟前臨白廟前水

大岡山卽仰嶺在城南七十里九都豐樂鄉新興里爲
邑南望山下有廣慶寺唐時尚雅祖師騎虎至此因
建寺

明黃子澄記

記云鈐陽之南距城七十里許有大岡山層巖峻嶺
界接四郡登陟遠眺則袁吉諸邑咸在顧盼間山之

分宜縣志

卷一 地理 山

十七

崔巍高出羣峯縈迴而穴關於中僅十餘丈景聚多
方迹難枚舉其端拱於前者則觀音坐蓮也而齋盤
山掛壁洞磊落出奇環聚於後者則涼傘峯也而石
牛嶺瀑布泉崢嶸秀麗徐徐而下象公潭爲之積其
流獅子巖爲之鎮其口石筍竟天橫松俯地相傳謂
之擎天柱抱石松勝概不減天竺西晉時有伏虎禪
師者飛錫於茲而建爲寺名曰廣慶去今千餘年古
蹟邱墟傳燈錄載此岡之蹟雖袁秀所鍾未始非翼
軫分也余生也晚不得際禪慧法化猶幸相去里許
時得覽其勝溯其源流紀其遺事遂不嫌里鄙而爲

之記倘數傳而後亦有踵蹟西晉卓行如伏虎宣法
闡教繼往招來則此事之傳方與大岡並留不息云
大岡山西出爲石筍峯玉女峯又出爲石坪山又出爲
冠子山過焦坑村巖渚右水發源處也折而西矗起
黃老臺山巔巨石坦平傳晉時有黃石古者修煉於
此又轉爲花園過古雲寺起白石巖卽白雲峯爲防
里漳源望山其下有永清院院內有白石巖清輝閣
方池古松歐陽元爲四詩歐陽貞撰清輝閣賦今廢
元歐陽元白巖詩云道人獨坐白巖阿巖下皚皚白
石多曾到普陀南海岸白華無數擁盤陀 清暉閣

分宜縣志

卷一

地理 山

十八

詩云巖前高閣扁清輝碧瓦朱甍映翠微老子懸車
還故里倚闌何日看雲飛 方池詩云白巖山下俯
清池花有清香水有漪幾度收經看月上分明水底
見摩尼 古松詩云古寺長松倚半空問渠年臘祖
師同應知方外輪囷器多謝清時雨露功

白雲峯在邑南五十里九都新興里中出爲過峽亭旁
有石如磨盤折而北起望高嶺爲漳源折而南歷棋
盤石至防里汶江水於此匯有邑令祠元歐陽元爲
南唐始祖宜春令殊立學士祠祀歐陽元有門曰清
門歐陽元爲族人立坊曰狀元衣錦登瀛元趙思順

爲歐陽元建南有源澗泉右有洞靈觀相傳晉時一
女子於此修煉明洪武間周樞亦修道其中中有石
溪橋昔有隱者垂釣於此左有登瀛橋星拱橋文昌
閣珠盤堤

邑令祠 明安成謝利貞詩云昔賢尙遺治此地祠
基古啼鳥破蒼煙棠陰過初雨澤深蕃嗣續時祭羅
樽俎還似武城時絃歌遍閭里

狀元里 學士曾榮詩云當日瓊林第一僊文章事
業照遺編故鄉尙有風流在千古斯文慕昔賢

源澗泉 祭酒李時勉詩云青山對幽戶陰嵌啟危

分宜縣志

卷一 地理 山

十九

壁涓涓細泉湧冷冷落巖石淙流縈澗遠澄光澹空
碧誰言一勺間終隱蛟龍蹟

庶吉士林慈石溪晚釣詩云西日下巘岵東遊釣碧
灣湍流千里急風裊一絲閒意適濠梁上心懷渭水
間得魚非所欲乘月櫂歌還

國朝邑紳張世竣清門懷舊詩云重到清門日霜天
木落時蒼松依舊主古栢感新知遙想同人醉間吟
解事詩嶙峋江上石晚釣有誰期

歐陽鍾文昌閣詩云古塔凌雲古寺培東流砥柱壯
林隈一山如畫風生骨二水多情石是媒柳鎖眉頭

烟聚散橋編膝下路徘徊爲依斗極聯奎宿到影插
天枕大魁

黃老臺在邑南五十五里九都新興里南出一支至荷
花並爲鳳山庵界安福中一支經澧礮山口瀑水礮
過長浦橋頂峻屈曲盤桓至桐木分水嶺其陽爲安
邑其陰爲分邑轉而北逶迤數里起紫雲峯界安福
邑人歐陽鍾有紫雲峯賦

賦云宜之南安之北有山焉山峩峩然石纍纍然樹
翳翳然竹猗猗然其左則村曰黃坊其右則村曰白
雲其前後則率嶺爲藩籬峽崕爲門戶位正乎中如

分宜縣志

卷一

地理 山

二十

坐明堂朝列辟灰拓其旁如開市垣表千室蓋自是
有梵宇亭臺矣環堵磷磷牆不土也龕次硜硜座不
椅也壁壘巉巖礎連椽也松筠依檻穿烏兔之梭而
拂旌旗之竿也吐羣英蔭繁植弄紅華飛黃葉四序
風光時時可飡而可挹若夫仰通廣漠俯瞰平原煙
萬灶而並起路百折而交橫列壑歸而復粲帶水繞
而揚聲鐘鼓間響鳥雀爭鳴香虬捧篆霞彩相迎伊
妝點之多情假笙歌於萬籟召人神兮來王占災祥
其有檜天馬橫膝驟馳太乙之坡地龍鎖腰枕臥清
泉之貝林參差而動影田疊曲而盈阡友同盟之鹿

豕散當鑪之金錢馴馴而虎不猛飄飄而鶴自仙長
嘯則谷口爲開陰凝則雷電爲掃納芥子之乾坤貯
崆峒之黃老織晴空之錦文緼淋漓之詞藻至於閒
士遊女撫景尋芳當中和而容與際重九而翱翔捫
薜蘿以延佇踏石磴以傍徨或抱亂石而蹴踘或居
危樓而烹漿飄兩袖宜於風醉千觴宜於月簪金珥
宜於花佩玉珂宜於雪斯皆翠嶺之高標紫雲之出
沒雖然雲以紫名庸知其所由來乎望氣者黑雲爲
崇浸白雲爲仙侶彤雲爲王侯赤雲爲武庫是峯之
以紫雲名也豈徒爲高人隱者助將有魏鄭公李鄴
公與巢父

分宜縣志

卷一

地理 山

二十一

佛嶺在邑南五十里九都新興里由大岡山中出起順
天臺過朱家坳盡於塔前海螺山東臨澧源水西濱
巖渚水佛嶺之陽爲雙源右邊水發源過大嶺天字
峯經小佛嶺過峽土人謂之佛仔嶺右轉爲黃子澄
故宅左爲伏虎山又名竹坑其下有會勝院今名寶
月庵

竹篙嶺在邑南六十里十都太和里爲大岡東出一支
孤峯特起望之若竹稍西而下爲棲霞紆迴十里過

玉嶺旁爲寶雲寺寺山有石如扃鎖狀名曰鎖石由
玉嶺過峽平分三支

婆婆巖爲玉嶺北出一支在邑南四十里夏午村石壁
卓立相傳元至正間彭媪採茶墜死雀啣木葉積成
封堆村人驚爲神立祠祀之故名巖之東爲長富夏
午盡於長陂濱長陂水巖之西爲巖源鄔源其餘脈
盡於新澤朱陂濱朱陂水

盤蓮坑爲玉嶺南出一支在邑南四十五里九都新興
里雙源左邊水發源於此橫過平衍轟起定心臺其
上有葛仙翁祠由定心臺屈曲而下平地過沿山峽

分宜縣志

卷一 地理 山

二十二

復起數峯至雙源兩水交鎖

宋周兌葛仙壇詩云稚川不戀晉衣冠勾漏燒成九
轉丹行滿已隨鸞鶴去後人徒爾拜空壇

明簡繼芳葛仙壇詩云苔磴強躋扳齋居太乙壇雲
深疑作雨山靜故生寒白石僧能煮黃精客可餐長
生如有術吾欲訪劉安

趙錦登定心臺詩云坐處堪憐翠作堆千峯羅列有
孤臺羲娥恍向窗前度雲樹翻疑畫裡開歲遠藤蘿
仍自發機忘猿鳥莫相猜卻思少日曾經此塵鞅無
因覽勝來

趙濂登定心臺詩云蘿逕夤緣上三山信可通磬笙
黃葉裡雞犬白雲中袖已歸蓬閣迹猶著武功不知
御風日曾否返茲宮

天堂埧烏石洞爲玉嶺中出一支在邑南四十五里九
都沿山村折而南爲鐵砧山下有慈雲寺過沙嶺轟
起四顧臺下平岡爲淮源爲北村稍西迴環屈曲旁
有顯龍寺卽顯教院轉爲漳源嶺歷松岡廟過分水
坵左有鳳形山右有玉虛觀歷馬嘶嶺至牌前大畚
阜茶山歐陽汶墓界安福

石鎮嶺在邑南五十里八都大清里東北轉爲大華諸

分宜縣志

卷一 地理 山

二十三

小岡界接安福下有鷲山寺迤邐三五里過東岸又
數里起金頂峯上有古寺層巒疊嶂東分虎形嶺下
爲石隴坑東北分寄柴埧下爲山西隴俱施溪水所
自出

虎形嶺在邑南四十里招賢鄉重起香爐峯下爲白竹
坪二二三小峯臨施溪中過箬場埧復起高岡爲花坑
峻分鳳儀嶺連峯抵七里坑又中出石牛嶺亂石嵯
峨下爲黃牛潭左會硯子坑水右會大坑水接安福
界

硯子嶺在邑南三十五里招賢鄉出爲曾坑腦連峯綿

亘分垵溪又中出金雞峯昔有紫氣上浮土人掘穴見金雞冲飛因名又蜿蜒復起將軍腦左分諸小埠抵新屯其正支紆迴數里爲茅眷嶺又分橫江起神嶺雙峯秀削如芙蓉舊有廟今廢歲旱祈雨輒應下有廣教院唐貞觀時建餘脉盡於張家坊

茅脊嶺在邑南三十里神龍鄉清風里中出六七里爲迎塘嶺山垵有古庵庵前有亭路通吉贛爲分宜廬陵界舊志載行山今按地理相符疑卽此山由迎塘嶺南轉爲龍虎嶺起屏峯山逆折而下爲檀溪又東出杉木埭迤邐過東山下岡阜絡繹抵嚴塘江而盡

分宜縣志

卷一

地理 山

二十四

龍虎嶺在城南三十五里神龍鄉清風里東轉五里爲蕭家嶺至高峯一山崔巍特立陟其巔三郡山水俱入望中有庵名九龍仙山體分三面爲分宜廬陵新喻界

寄柴垵在城南四十里豐樂鄉大清里起數峯中出爲項子嶺折而南爲長龍西爲神坑嶺出楂村轉而南起金鳳臺逆而上抵雞山臨平田止由金鳳臺進里許下有桑棗舖

國朝湖西道施閏章過桑棗舖詩云路僻名偏好幽懷動行客磽壤少桑林陰崖疊雲石窈窕山雞啼淒

迷磳草積人家隔數峯何處詢陳蹟

項子嶺在城南四十里招賢鄉右分醴礮岡巒層疊折而南爲上施武靈峯其形似鐘又曰金鐘庵舊傳寺殿秋夜有金燈飛來旋繞之異折而東起獅子腦屏峯山下爲田西一支分山田峯回巒抱起碧雲山寺面鈐岡山麓爲南坑旁支北起思姑臺下兔鹿原南過盤坑坳右抵田西水口馬鞍山自項子嶺中出爲雷打峽起望花樓山臨下石村又重數里抵新齒對岸而盡

老山陵在城南四十里由雷打峽折入過南坑騎馬坳

分宜縣志

卷一

地理 山

二十五

山峯磊落相望南分北溪上村北抵曲江中出鏡掃坳有亭路通吉贛復起重山臨北溪新屯北臨木公陂中出長古塔菩提庵在其側又一折數里出社上坳起千紫嶺過東邊坳旁爲東建庵又起青草嶺過木源峻南支出院坑北支出下塘殷家田石礮庵在焉至木源峻復起高阜南出小行山北支回旋出睦源塘下又一支轉出平埠上與歷山頭對峙臨新齒江又綿亘出白芒起秀溪臺爲黃大常讀書處正支過楊姑坳爲吉贛通衢

國朝教諭胡鴻漸過秀溪臺小庵詩云曲徑通方丈

幽光繞綠叢開軒延月露拂座受松風雲護三秋菊
霜吟五夜桐天花何處落到此覺心空

邑紳宋式燕登秀溪臺詩云許國當年矢此身閤門
迴首幾傷神深文大抵規成壞相士終須別廣眞天
意有歸難割地智囊無補已安仁山川爲繫興亡恨
葉落閒臺月弔人

楊姑垵在城南十五里招賢鄉南出爲鵝公嶺白芒村
北爲銀山山巔白石如銀又出爲大行山折而東起
畫山蒼翠高聳如列畫屏山陽有普淨寺旁支委蛇
右抵七星臺左抵慕塘萬壽庵在其側出月光垵山

分宜縣志

卷一 地理 山

二十六

陰爲上田天花垵復轉李坑垵起伏委折至下源坑
分水垵回旋五六里起高巖下臨嚴塘江爲清風山
今名擔江山下有寶慈觀今廢餘支抵白芒嶺下爲
分宜新喻界由楊姑垵東北出爲絲茅坑嶺外抵莊
邊內分社背荷源中出小芒又分幽山出鴉婆嶺正
支過中宜嶺北轉平岡分行曰金雞舖曰嶺背楓樹
下俱濱白芒江水高峯森立日照天燭曰仰天獅曰
安邦寨諸峯與鈐岡夾江對峙折而東矗起仙臺山
插漢凌雲重疊數里下瞰秀江爲南鍾山
仙臺山一曰仙女臺在縣東五里五福樓峯峙其後右

有龍潭左有獅子巖羣山環抱一峯高聳石臺遙望
如筆邑人時加修葺世傳有牧羊者登山遇兩仙對
奕語之曰此上界也子下界人何爲至此今其村名
下界

國朝邑紳趙炳旭仙臺假寐詩云峭壁孤雲敞翠屏
微風殿角散幽馨石牀棲定華胥夢滿樹流鶯啼不
醒

趙陞九日偕諸同人登仙女臺詩云天高氣肅萬峯
清抱病相隨絕磴行幾點茅亭俯下界千秋棋局見

荒荆昔傳此臺仙女下棋樵者就看局未終忽驚曰汝下界人也何到此其歸鄉中老幼無識者蓋

分宜縣志

卷一 地理 山

二十七

不知幾世于茲矣今其地名下界卽在仙臺山麓飛來木葉風還掃饒有虛

聲谷可聽茱酒盡歡忘日暮相看返照逆歸程

邑紳嚴宗定登仙女臺詩云仙女從來不下山特穿

山屐入烟鬢鏡臺攬照人千古蓬鬢時梳月一彎羞

作巫雲攜雨至待題紅送秋還指揮遠近峯巒列更

乞天花點玉顏

邑庠林有廩九日登仙臺云渭水之東羣山磊落高
崔巍中有撐天突兀羣仙對局之仙臺我生鈐北依
林谷借枝聊寄江之隈一臺東望雲旗捲下有泉脈
資澆培出門挹孤峭仰止情悠哉秋風引我逢重九

呼朋蠟屐緣青陔南鐘北鐘峙雙闕何人敲擊聲喧
脍秦鐸一投不可起石鐫剝蝕生莓苔前矗七峯軒
昂挺拔如走馬乃自我家梢嶺千迴百折而飛來雲
山歷歷入眼底載歌屺岵心徘徊遲遲步山麓懷抱
鬱難開下界何緣來上界撥愁且復相追陪到此便
是遊仙島何必縈心圓嶠方壺窮蓬萊劇飲黃花酒
滿酌傾金壘仙乎仙乎如可作先天妙着煩仙裁君
不見人民城郭依然在滄桑浩劫飛塵埃江山萬古
收全局爛柯樵子逢仙回

清風山在縣南三十里下有寶慈觀世傳西晉時黃仙

分宜縣志

卷一

地理 山

二十八

姑修煉丹成白日昇天有煉池在觀之東今擔岡山
仁山在縣南五十里招賢鄉登龍里下有壽安院世傳
有一老僧遊方駐錫建刹取仁者壽之義今無考

硯池石在縣東十里盧肇讀書臺上

甘竹峯在縣西南三十里

鎖石在邑南寶雲寺中山之東西有石壁立其紋橫
起如扃鎖狀世傳全盛時石有竅下名沈子源沈道
人者結庵於此一日忽不見視則竅已闔矣

慕石嶺在邑南三十里豐樂鄉有清源真君廟其上多
石故名

玉岡山在縣西二十里化全鄉遵化里卓立如削玉下則平坦盤迴幽靜

雪山在縣西二十五里彰善鄉甯安里鍾袁山七峯之秀鎖昌山三摺之灣古木繁陰冬有積雪

上分嶺在縣北一百里清教鄉井塘里山脈自末山而來從嶺左出爲官塘嶺起梅州嶺及烏獅嶺又東趨爲砥柱壁至石獅嶺爲蘭盤水源邈迤起仙姑嶺度界牌嶺至鍾家山高嶺嶺東上高界又從南出爲梅

嶺

卽梅山

嶺北上高界又南行十里至倉上南村起櫟

頭山東新喻界從嶺右起伏峯巒層疊至蔗蕪嶺下

分宜縣志

卷一

地理 山

二十九

瓜田歷桂村嶺過森塘起長陵山下蝴蝶坡至大山坑出妙圓抵泉坵西接宜春界又自東南而下至洞口埡出弓江起饅頭嶺一名大頭腦嶺北有雲峯寺山泗村下至楓山嶺及長山口抵塘西而止又南行數里起雷打石過新山歷妙嶺壁立千仞巖下有庵石側懸一乳滴清泉又下數里爲敖嶺至蛟岡山歷五雲嶺顯經嶺上有古廟過烏嶺經王壁嶺至建陂江而止又自嶺南出數里起東西寨雙峯並峙高插雲際折落起尖山旁有桃源洞直下爲上松諸村又從東岡南行至輞溪蕪窟水分東西從中出起天竺

嶺上有古庵曰天竺庵

天竺嶺在縣北七十里旌儒鄉鞦韆溪里東出一支趨程坊蕪坑過霞工起雞足山爲陳雷二公隱居處由嶺北至午橋爲髻子嶺起三角峯上有明教禪院下高嵐又西趨大張壁落泗背走環橋又西行至轉石嶺過大觀嶺及老嶺直下顧村又西下爲社山上有閣祀仙姑又自嶺西走桃花腦天井腦越里許爲張坊村由張坊走舉橋過砂子坳上有仙姑洞至觀光對面復起筆架山下木葉坳延長數里至樓霞爲楊橋東市又自嶺南正出一支至美塘矗起高峯爲天竿

分宜縣志

卷一

地理 山

三十

嶺東出爲百子嶺綿亘而西起龍仰山一名猴坡嶺其下爲國公坳橫過至韓婆垵西出起高林山一名梢嶺其下爲高嶺庵

詳寺觀

梢嶺在縣東北五十里挺秀鄉白水村峯巒孤峭如樹梢故名其山三巒迤邐由東趨西起梅花嶂中出一支爲縣脈橫一支西行爲楊基嶺其下爲孔道又西南折爲三峯嶺旁爲獅子腦其南出爲萬壽山上有萬壽庵西出橫過分水坳起峻嶺北支爲梅峯嶺逶迤而下爲盧肇故里卽今觀光西走城頭張家嶺至青蓮庵而止南支蜿蜒數里左出蕭家坊右出狀元

橋盡梅塘境又自梅花嶂中出一支過峽起展誥峯
西橫過爲新塘嶺其下爲孔道有茶亭綿亘數里爲
車溪禮塘一帶背山又自展誥峯下開嶂橫出經陰
家陵西過爲禮堂面山數里起黃茅嶺嶺坳爲西北
鄉出縣孔道又南分一支過埭頭轉黃丹源經玉嶺
矗起高峯上有蕭何祠跌落分鄉嶺爲南岫長興庵
旁爲玉屏山下有寺岡陵連綿曲折盡於洋江又一
支自展誥峯南出過峽爲西峯嶺落荒畚突起石峯
橫過咸山東支趨老虎樓過水頸里至青竹山遶蘆
泉塘迴環牛欄坑北轉起馬鞍山又東南疊起峯巒

分宜縣志

卷一

地理 山

三十一

過圳上下城抵昌坊爲新喻界西出仙獅嶺有古廟
邑廩林有彬九日集高林梢嶺云梢嶺勢絕奇取逕
循山麓茅深長似人石仄纔容足始嗟犖确艱漸覺
沿緣熟前險怯先登後奇欣接目綿亘萬山深蘄削
一峯獨小立滑蒼苔隨意採巖菊秋色破空來疎淡
點山谷欲攜謝朓詩長歌振林木 九日登梢嶺絕
頂云林子好山如好色峨嵋翠黛眼中得林子使足
如使馬長坂危坡走脛下春雷夏電時一過况值清
秋高步羣瀟灑峩峩梢嶺峙鄉關玉簪插入縹緲間
昨者有客攜筇杖探奇抉勝窮躋攀猿臂聯步陟巔

際青天倒影山外山遙峯遠岫爭來貢如彼游龍如
翔鳳劍鋸簇簇萬點尖橫睛炯炯時迎送羲娥鞭駕
輪迴旋乾坤簸箕雙丸弄嗟予好事想登臺年年令
節徒追陪前歲振衣湖岡揮毫作長句去年睥睨仰
天岡上孤懷開望中鬱鬱葱葱氣佳哉往事不堪首
重回何如此山朝朝暮暮常相見登臨不作懷鄉念
菊花酒熟斟復斟要須痛飲一澆壘塊長歡忭

邑庠林有廩九日同從子大受登梢嶺小飲醉石山
房云梢嶺山高高千丈山頭怪石多奇狀介然特立
傲乾坤捫之使我胸懷暢長空一碧無秋雲千村萬

分宜縣志

卷一

地理 山

三十二

落炊烟分年豐刈穫稱大有啾啾雁陣呼同羣三秋
佳節逢重九黃花欲放狂懷剖秋風吹我入山窩醉
翁之意不在酒竹林自昔留芳蹤阮家大小清談中
鄉山有奇探不到提壺小酌心神冲玉笛聲高石泉
瀉悠然響答前巖下相逢萬籟喜皆空興盡酒闌良
可罷迴頭梢嶺勢撐天疎梧翠竹殊翛然歸途欲前
步且卻風景髣髴桃源仙野菊團團香滿道前林楓
葉已枯槁丈夫有志羲皇前豈肯埋沒隨荒草宋玉
悲秋發浩歌遠山已掛夕陽多有酒須來醉十日無
酒將奈醉石何

仙獅嶺在縣西北四十里彰善鄉黃鋪墟卓立千仞爲羣山之望右支由白泥峻折而西矗起峯巒綿亘十餘里爲光子嶺晉時李琳字光子封渝川侯卒葬於此因名由山南出爲箚坑背山旁支走梁家坊出盧塘高家村左由白泥峻連起峯嶂經納田株山背透迤數里至合嶺埤過峽口起屏風山過香竹埕起袁嶺七峯

袁嶺七峯在縣西北化全鄉德全里自末山發脈蜿蜒起伏幾三百里簇起七峯舊傳漢袁閔隱此因名

詳流

寓第三峯之麓有洪陽洞洞景絕勝

詳洞志

第一峯東

分宜縣志

卷一 地理 山

三十三

出走介溪南支斜落長巷裡復起小嶺出岐嶺下東出西磯岡度田起平岡抵伍家屋背由大北門入城趨趙家洲而止又一支逆上謝母埭穿田落平原至桂花樹下傍江而東趨泗下抵小北門入城至化龍橋而止

邑進士林有席馬上望七峯作歌云鈐北山勢青巒岍千朵萬朵芙蓉翻我家梢嶺稱貽厥羣山羅列皆兒孫春山策馬三十里遙見七峯峭削突起來崩奔一峯矗矗插天表一峯高步相攀援叔子季子連襟裾徐行後長從諸舅最後峯餘三霞舉何軒軒優龍

劣虎風雲合神物變化安可拘墟論靈氣團結眞無
兩來從梢嶺盤山根蜿蜒磅礴互起伏萬牛迴首烟
雲吞朝笏北峙鈐岡南掀小平東揖仙臺右蹲袁江
介水爲襟帶出峽滾滾灘聲喧或云龍潛橫臥昌山
渚南來特聳張高騫豁訝中空一大竇洪陽小有開
乾坤伊余乏道骨兩臂慚青猿旣不能煅煉金石徑
入古洞門又不能攜仙人九節杖直上峯頭開豁心
煩冤眼前奇崛到不得妄欲遊遍三山五嶽八十洞
天乘槎萬里登崑崙貴耳賤目古所誚病足蹇我循
墻垣而况孝子登高臨深禮有戒跬步不敢忘椿萱

分宜縣志

卷一

地理 山

三十四

呼童遲我馬細細投前村看山如霧裡炯炯雙眸昏
六輪八廓容我好拂拭他年餐霞浥露看掛扶桑暎
副舉袁壽齡七峯詩云連峯相伯仲生成面目一乾
坤盈清氣建安才子七卓立凌霄漢江郎無此筆
雞足山在縣東北八十里旌儒鄉陳雷里自陳雷二公
卒後爲聖因寺寺背有石竅日出鹽以足寺用嗜利
者鑿而大之鹽遂止無蚊蛙
宋謝諤詩云西方雞足有名山因甚安排在此間想
是高僧攜得到堅留且住不容還
宋費琯詩云何人有力負山走雞足來崇小梵天珍

重老師重說法半空鐘鼓舊山川

後寺僧逃散寺遂廢鄉人利其土田構訟到官周
侯開緒斷歸義學有田六十三畝八釐地三畝五
分今爲官莊每年收租爲義學用

小嶺在縣東北九十里三十二都旌儒鄉

百子嶺在縣東北七十里彰善鄉德興里由嶺南分支
走黃巷下漿源過蟠蛇垓起臺石峯從石峯右轉特
起屏嶂岡巒錯出勢如貫珠至集溪村橫過大埭頭
平曠數里矗起大峯蜿蜒起伏東環藕塘至標嶺

標嶺在縣東北六十里彰善鄉集溪村山勢高聳秀特

分宜縣志

卷一 地理 山

三十五

登之分新二邑俱在顧盼上有靈祠爲雲騰廟歲旱
鄉人禱雨輒應下有小庵名標蓮蓮塘在其前清泓
瑩徹由嶺西絡繹而出爲黃牛山過天井窩起小石
山走桑林旁支南出爲江東又自嶺南上一支走下
城下一支走麻田濱江而止東趨七星塘爲新喻界
大蒙山在縣北九十里旌儒鄉南村里爲瑞袁臨三郡
之鎮北界上高東南界新喻西分宜境由山南出分
爲湖屏嶺山脊平坦上有望梅亭路通新喻綿亘直
下爲孤山諸村寒坡洞在其側詳洞志出爲孤山村水
又相傳爲陳重故里

雞公嶺在縣西北七十里文標鄉興化里山脈自宜春
土嶺而來東趨乾塘嶺綿亘而至石古嶺一名獅子
嶺峯巒層疊巖石嶙峋直抵建陂濱江而止由獅子
嶺南一支逶迤開宕爲楊橋村橋西市有天符廟七
月七日人大集

雞籠山在縣東北四十里與仙獅嶺對峙旁有龍門洞
峯巒重疊出北村南門口開州度鉄坑銀山垵入新
喻境由銀山垵轉胡壤起重峯抵階頭水川村又由
階頭左起五猴嶺一名筆架山下平岡出收村又一
支自九牛峯迤邐出桐源大江埭起鳳凰嶺抵茶盤

分宜縣志

卷一 地理 山

三十六

坑分暗坑羅公坑至下石虎頭上石虎頭荷蓮塘又
自九牛峯分支出東頭至頭村過侯塔由仙獅嶺東
南出爲照天燭復起一峯回向仙獅嶺爲黃太常祖

墳舊志載在清龍潭
上中隔一水誤

又度重岡起盤觀三台峯落平

岡數里分支出荷塘復起啟金嶺嶺下爲垓溪嶺東
分支過桐陂垵出新臺上度平田爲鏡村由仙獅嶺
右出至袁山洞名青龍潭分支出納田過王家山至
大泉山崇法院又一支出牛婆嶺右爲金塘左迤邐
五六里出曠家嶺又過下坊平岡一帶經敖家橋抵
茶子山止又出塢橋觀祖臺經六七里起莊岡嶺山

陰有廟虫患多禱之南分平岡抵史家邊又東分唐家邊又分紫霞山爲吉祥寺山左爲雷公塔折而東南經后英鍾家邊郭家邊抵鞞岡對岸而盡又東北出青坡山過南山抵收村又由南山抵獅子石過蕭公坑出界栢源起紗帽嶺下爲萬溪又由南山出丫髻嶺抵馬坡至烏石虎又由冷水塘過觀音巖抵寶壁嶺其正支由雷公塔出山廊下轉白田起小屏山重峯綿亘爲北鍾山

鐘山有二在縣東十里神龍鄉鍾山里其山下瞰秀江水南曰南鍾山水北曰北鍾山裴子野宋略云永嘉

分宜縣志

卷一

地理 山

三十七

元年有大鐘從上墜出視其銘秦時所造遂名鐘山有巨石橫江數里又名鐘山峽輿地紀勝云常有一漁人釣得一金鎖長數百尺又得一鐘狀叩之聲如霹靂山川震動漁者懼沉於水或曰此秦時驅山鐸也

嚴嵩鐘山夜眺詩云可憐春岸飛鷗鳥又見春山長
薛蘿峯勢插江谿路小峽門橫石水聲多平沙覓句
看雲立極浦迴舟載酒過見說此溪多釣伴月明來
聽扣船歌

趙濂鐘山峽詩云秦鐘不復人間物金鎖空傳上釣

綸危石激濤翻白雪亂峯擁黛入青旻漁人率罟蛟
龍側樵子常薪虎豹隣春水漲來添險絕客舟過此
重逡巡

湯斯祚鐘山洪詩云秀江三百里百折穿疊嶂渝水
下承流鐘山重扼吭迴帆臨大幽扃開勢阻擋峽影
根虛無蛟龍深蟄藏白日晝沉沉陰風遞慘壯幽鳥
作春聲篙人卜夜漲石壁苔蘚文彷彿秦漢上傳聞
永嘉鐘雨後流泱泱又聞驅山鐸舉之川岳盪神物
效地靈此理甯譎誑他年探古來載筆還策杖續譜
金石志一賦鼎彝狀

分宜縣志

卷一

地理 山

三十八

袁炳早過鍾峽詩云峭壁樹摩空江流亂石中林光
漏初日山影壓孤篷往事疑秦鐸間情羨釣翁溪神
如有約送我半帆風

西磯岡在縣北四里神龍鄉善和里

五猴山在縣北三十里側有明惠院

貴山在縣北四十里

龍王山在縣北七十里彰善鄉德興里山有泉上有龍
王祠故名

臺山在縣北二十五里山頂平坦廣數畝若臺

清泉山在縣北六十里文標鄉清溪里山有池泉清徹

故名

袁州嶺在縣北一百里三十五都三圖清教鄉

分水垵

在縣北一百里清教鄉石塘里
鍾姓建福德祠垵兩分故名

寶應山在縣北一百里清教鄉崇孝里

花林山在縣北六十里彰善鄉德興里

大泉山在縣北三十里儒林鄉袁山里有崇法院

蟠龍山在縣北八十里旌儒鄉東陽里

三松山在縣西七十里挺秀鄉江揚里下有淨覺寺僧
手植三松於寺前故名

大梅山在縣西六十里文標鄉清溪里其山多梅成林

分宜縣志

卷一 地理 山

三十九

又有桃溪山環抱溪泉

三峯山卽三角峯在縣北一百里旌儒鄉陳雷里下有
明教禪院 按諸山今昔異名者多難考實

馬鞍石在縣東鐘山峽水中以形似故名

洪陽洞在縣西十五里袁嶺三峯之麓明萬曆四十四
年丙辰守道鄔鳴雷因山爲屋約分三楹重塑婁葛
二仙像匾書古洪陽洞

明知縣周應治洪陽洞記云袁嶺七峯其三峯之麓
有洞曰洪陽世傳晉婁陽葛洪修煉於此因以名之
穴凡七十有二前爲洞門舊建亭由亭而入首洞懸

崖巉岬石室平爽可容百人中立婁葛二仙像旁有石榻丹灶丹池上題洪陽古洞四字從左而進二洞地勢漸低須火乃能入羣石環纒天柱矗立雲巖高挂而大土石畔特現半鍾三洞頗稱廣衍石若雲流雲中三區一標月窟一壺裏乾坤一別是洞天下挺玉笋恍出林梢石磨一座圓外而竅其中洞之四中擎一柱視二洞稍曲左壽星右土地石人對立其上大小異形若拜觀音然蹲獅棲鳳委蛇雲巖香爐間五洞之勝銀峯疊現雲窩雪崖與烟光相掩映南田北土間以石墻螺螄歷歷都可名狀過此而東西攸

分矣東之爲洞者五合首洞計之厥爲六洞壁孔微光是曰石竇竇之側或如張傘或如懸鐘帶巖直豎彷彿八幅羅裙下則井泉清冽冷然善也七洞雲波盤湧石崖撐天鹽翁森立於鹽池醉仙呈態於石級崖覆半壁氣象萬千更歷八洞霞燦雲流一壁方廣平夷號題詩石其直垂而下者爲石簾云九洞疊石嵯峨中穿一孔上見日光名通天竅下悉坦如惟昂頭小石酷似雞羣至十洞懸崖墜石不可躋攀有石寬平遊人多記姓名其上內二石類釜馬象蓋東五洞之勝概若此又由前五洞而西厥洞維六西之一

卽洞之六也雲浮天際雲庵隱現石鼓扣之欲鳴蓮房可數瓊峯玉穴雜然而前陳若乃石燕紛飛帆檣高挂礪房錯互拄笏端平則西七洞之大致也已而探八洞之奇門巷不過丈餘而麟遊洲渚倒影乎溪水澄泓九洞之柳巖玉筍雪岸冰崖信美可愛而水沫徐滴柏幹直扶留憩者久之再閱十洞壁光瑩淨名渾天儀鶴巖攢簇不讓華亭清標過此爲十一洞天線孤懸翠屏疊嶂臥龍蒼犬紆徐於浪紋石乳間最後經十二洞巖石紅紫輝映不異霞紋滴漏錚然湍巖巉削若牛若彘垂頭而靜浥玉漿遊至此觀止

分宜縣志

卷一

地理 山洞

四十一

矣餘俱隘而不可行矣昔人有聞昌山渡篙聲者特甚言茲洞之深邃耳然洞以內仙蹟墳委殊令人應接不暇有如斯余忝守土以時休暇覽勝竊謂鈐邑名景此爲第一旣命工繪圖且記以實之萬歷十二年甲申季春月 知縣蔡文鸞洪陽洞圖序云世傳葛洪爲勾漏令卽其洞煑砂煉汞因成仙去今粵西勾漏洞在焉窅邃光怪變幻百出蓋古今勝蹟也余筮仕鈐邑有所謂洪陽洞者去縣西十有五里袁嶺三峯之麓亦傳謂葛洪婁陽二仙棲眞修煉之所故洞以名名余以簿書鞅掌不獲專達壬戌春副使瑞

侯王公莅任滇之洱海道經邑治進余而言曰邑傳
洪陽洞奇境也名爍久矣自昔遊宦多至焉盍往觀
乎余曰唯唯爰持卮酒飭騶從陪而過之至洞口宏
廠可容百餘人秉炬四照旋折而入幽廠奇異狀貌
不測名人題詠甚多如入山陰道上令人應接不暇
中有日月星辰雲水烟霞之狀仙釋人物鳥獸昆蟲
器具之形雖不甚肖亦髣髴不遠誠天造地設入厥
中頓忘名利想眞洞裏乾坤別有天地非人間者今
二仙去千百年遺蹟尙存仙風可挹古云山不在高
有僊則名何況離奇天矯如茲洞者乎歸署索圖板

分宜縣志

卷一

地理 山洞

四十二

偶得舊本命繪士摹而補之併縣中諸景彙爲一牒
附之剞劂以傳將來俾後之至鈐未至鈐可按圖遍
覽如身歷其中知鈐邑不減勾漏縣而洪陽洞與勾
漏洞實不相甲乙云

宋柳交洪陽洞詩云洞口春歸草木香洞中流水薛
蘿長眞仙鶴馭今何處應共白雲朝帝鄉

朱熹詩云人道歸雲未足誇洪陽石乳更含訝連環
入夢難紆軫回首西風又日斜

劉清之詩云朝來拔脚塵埃底共訪人間小有天喚
醒幾年朱墨夢胸中邱壑故依然 稚川仙去憶浮

邱攜客巖前問舊遊懷古臨風一杯酒荻花飄葉不
勝秋

胡宗詩云天然一洞府晉代兩神仙恨不供薪役應
無結鼎緣剝苔尋古刻題石倩人鐫湛輩真訛附名
同萬世傳

許及之詩云劃開靈怪幾千年付與洪陽二老仙石
室盡頭眞鏡秘天窗明處葆花圓乳泉煖滴燒丹井
芝徑交分種玉田不是到來須棗火故應名勝恨鬪
纏

謝牧詩云特特攜筇探洞房中藏精氣凜寒芒神仙

分宜縣志

卷一

地理 山洞

四十三

久視知難學乞取逍遙物外方

胡徽詩云雲霞深鎖幾千年當日遨遊只二仙高掛
片帆何處去祇安一榻更誰眠已無烟火燒丹灶尙
有流泉種玉田莫道我來無夙分羽人還許共談禪

古跡洪陽洞今經幾劫春石門連碧竅峭壁鎖紅
塵勢聳丹青漢形移秀水濱天窗通月影地穴透江
津洞裏多靈怪祠中足鬼神禪山深住久羽士往來
頻入徑行巖險登巖涉苦辛未逢燒藥者先覩賣鹽
人怪石光如玉寒冰潔似銀乳泉頻滴滴苔蘚累鱗
鱗谷鳥時時叫巖花日日新瑞雲青靄靄芝草綠英

英袁嶺原爲主昌山本是鄰鐘巒遮水口鈐嶺鎮安
仁峽口峯齊秀紅花仰並森望夫千古堰化石一何
眞隴畔畊農叟溪邊樂稻民漁翁常眺望樵子每相
親總樂榮將貴皆貪寶與珍誰爲搜勝景極目允堪

陳

宋之瑞詩云天臺自是神仙窟常恨平生遊未足揭
來訪古得洪陽不憚攀躋冒炎酷當年事往雖渺茫
至今峭壁摩空蒼豁從洞口見穿穴始信靈蹟有天
藏細泉滴乳散瓔珞亂石排衙互擎攬上施牀几看
燒丹旁布媵畦閒種藥虛舟聊具仍馭風靈源暗與

分宜縣志

卷一

地理 山洞

四十四

江流通欲攜束煨恣幽討卻疑深處藏蛟龍惜哉此
境眞奇絕地偏往往成湮沒僅存野廟傍山阿倘非
好事誰留轍吾衰重到定無期肯辭蠶足陵丹梯共
言荆榛無路入徒羨翠羽穿林飛安知咫尺蓬萊隔
邂逅仙人還不識謾書所歷記吾儕歸向天台詫泉

石

明徐璉詩云洪陽二老愛幽清空室遺蹤有數名寂
寞久荒爐火汞玲瓏遠應渡篙聲雲霞陰潤苔先綠
石燕飛翔雨後晴幾度遊人題古壁洞門無鎖月長

明

巖嵩詩云二仙何代隱巖阿澗綠山青長薜蘿塵世
總經桑海變丹坵長占水雲多天臺到擬逢桃實石
室歸疑爛斧柯思向此中尋靜侶因牽俗累欲如何
鄒守益詩云老癖尋真歲幾回吹藜又訪葛婁來洞
庭罔象穿波出月窟瓊瑤冒雪開泉浸芝田真可種
雲封蝌蚪不生苔酒闌共話長生訣失笑牛山浪自
哀

李香詩云塵世仙蹤謾渺茫洞天咫尺有洪陽墨遺
崖蘚猶堪辨綵疊烟霞不費妝柱石憑虛容短杖乳
泉飛瀑濺清觴武陵歸路桃花杳賸有丹楓千樹霜

分宜縣志

卷一

地理 山洞

四十五

彭鳳詩云石洞仙成古山晴余始臨穿雲溼遊屐引
袖破嵐陰高流響聲瘦靈巖翠靄深幾年虛故事揩
蘚寫新吟

葛焜詩云仙人羽化跡猶新幾見滄桑度劫塵谷有
雲霞長蔽日村無雞犬絕相隣神奇幻出難題品圖
畫傳來未逼真瑤草石田何處覓桃花流水謾疑津
趙濂詩云七峯西望青霞飛洪陽洞口瑤草肥葛婁
久已冷丹灶巖壑於今空翠微別是一天藏小有卻
疑三島在郊圻青鞋布襪隨追配野况吏情誰是非
邑令李元弼詩云步入洪陽古洞天公餘躡屐興翩

翩烟嵐縹渺迷孤鶴巖壑蜿蜒隱二仙畫靜松風傳
萬籟春深瑤草自千年何時得逐餐霞侶閑借雲崖
石榻眠

丁繼嗣詩云洞古雲深鎖碧苔天風御我入蓬萊筍
懸片玉檠空立柳拂千條趨石栽興劇不嫌穿曲磴
醉餘猶自上平臺回頭試問留題處誰道餐霞客又
來

施閨章曉過洪陽洞詩云宿霧暗未收曉月照蒼翠
謝公急游賞冥搜穿薜荔石洞炯空明入室破茫昧
物象多髣髴滴溜灑衣袂清旦歷巖壑得飽朝爽氣

分宜縣志

卷一

地理 山洞

四十六

丹灶竟何存山花紅委地

朱鼎詩云洞門深鎖白雲間採藥仙人日往還寒澗
水流鸚鵡綠蒼苔花落鷓鴣斑千年瑤草香猶在萬
古丹爐火未閒我欲尋幽最深處不知何路遍躋攀
巖開禧春日遊洪陽洞詩云仙蹟千古幽駐馬洞天
遊鳥語喧晴出花香染袖留蓬萊誰識盡題詠漫徵
求遍攬從何極乾坤物外浮

鄔鳴雷遊洪陽洞長歌云昔余刺建武郡有麻姑蹟
官閒興到卽攀躋四載盤桓意頗適對客常誇靈境
稀宇內何山更足擬今隨直指訪洪陽始知造化之

秘獨有斯洞奇鬼怪神工曷可紀山腰半广甫容車
入門宏敞如棟宇石牀丹灶宛獨存峭壁嵒巖列屏
宸週迴容坐百十人日月高懸蔽風雨左折而旋二
洞幽陰森爽颯同高秋光明不到處異態紛相糾置
足已艱危牽車更慄颯把炬四照意豁然此身非復
人間遊五雲縹緲奇峯矗半鐘鑄就青銅色中有乾
坤一柱峯卓地撐巖光奕奕三洞於中最廣平雲流
霞爛氣鬱蒸石筍嶙嶙半隕籜石磨團團似琢成轉
入四洞狀尤殊石上僧伽坐晏如面前一壁似圓光
有人拱立壽光旁石獅猙獰儼然踞石鳳翩韉勢欲

分宜縣志

卷一

地理 山洞

四十七

翔五洞晶瑩類雪堂蠓螺海錯銀粉妝石磬雲窩孰
鼓鑄南田北土誰理疆從此中分有岐路西有六洞
東洞五幻物多般總逼真詭形迭出那可數有石不
雨傘高張有石無聲鐘在懸有石光淨垂渾儀有石
欹傾似醉仙有石聚散布羣雞有石昂藏立孤鶴麟
馳馬驟各騰驤燕舞龍蟠恣飛躍沙洲一帶望中新
浪花千疊縹風紋垂垂柳葉絲如織歷歷蓮房子可
分飽帆欲捲風初息石乳淋漓斷還續繡幙珠簾間
朱紫金井玉欄新髻髻有時穹宇正亭亭一竅通天
漏晴碧扶攜登眺烟燎中恍疑夢境相遭逢每從石

罇徑遙遊輒請息側身獨先嘗豁達興轉劇尙餘一
竇啟西隅久絕行蹤足難舉終然有隙可追尋七十
二洞非虛語迴旋兩腳頗迍邐動魄驚魂豈辭倦肩
摩手捫玩不窮四壁搜求恐未遍昂首大叫屢發狂
山靈答響如相縈卻還初洞開遊席揮汗趨時定喘
息石牀盤薄幻奇蹤一過猶疑難盡憶未愁續勝阻
漁郎自笑窮源慚謝客五峯似老只崕嶺雙瀑如龍
亦常格非緣御李躡榮光誰復餐芝盪胸臆恰逢春
色到巖阿取次和風動蘿薜肩輿下麓幾回頭洞口
行雲莽相逼

分宜縣志

卷一

地理 山洞

四十八

徐之孟洪陽洞詩云策馬歸途訪二仙追游今日縱
探元十三境界分靈谷千億神奇總洞天雨歇空山
銷暑盡風吟高翠放懷偏問天欲駐斜陽路耐可前
村已暮烟

張夢大春日遊洪陽洞詩云鶯聲出谷幽霽色便春
遊勝概開天地仙蹤任去留丹砂原不外石鼎欲何
求廿載舊題在年華過眼浮

王光烈遊洪陽洞詩云仙郎昔已透眞元月窟靈機
豈偶然怪石嶙峋如虎踞懸崖曲折若龍眠蓮房高
出雲間翠斗柄橫開洞裏天借問宦途名利客丹成

能濟幾何年

邑廩林有彬遊洪陽洞云厥洞太古初我始入其境
結構空連空七峯森翠景上竦衝雲霄下臨瞰萬井
遠眺已移情徐徐穿石梗到處探幽奇身置桃源町
捫壁手爲皴踏磴足難騁仙蹤何杳然故步不可省
砢研古洞門回首光罔罔野叟導前途童僕理巨頰
恣意窮冥搜舉踵復延頸素壁滿龍蛇篆隸工斜整
洞天七二深周匝重環堦或空若懸廊或耀若靈炯
或若星辰浮或若銀河耿或初日芙蕖或揚帆舴艋
或閃若流光或尊若古鼎或若鷗鵬翔或若獅狻猛

分宜縣志

卷一

地理 山洞

四十九

或怪若山魑或姣若女靚或若蓬萊島眾仙架輶輦
或若滄海邦凌空列怪麤或若坐方壺颯颯寒風冷
或若望峨嵋積雪亘遙嶺靈詭安可名變幻誰能並
卓哉造化工陶鑄非穿礦混沌未鑿時乾坤等幽弃
此洞狐狸宮蘿薜纏長綆大竇俄天開一線漏日影
使我塵世人餐霞高箕穎欲遍茲洞趣相對各昭睛
日夕返故廬耿耿猶引領

邑庠林有廩遊洪陽洞云瑞靄東皇駕已回當階萸
莢報春來三年解阜琴徽遠萬竅靈奇石徑開路轉
連翹纏薜荔酒斟仙罇飽莓苔高吟四野歡聲合莫

遣飛鴻起暮哀

小洪陽洞在前大洪陽洞之頂門甚隘其中廣容千人
有石倉石閣石磨之類舊傳晉宋人題名在深窈處
無火不可入且險難遍歷

靈山洞在縣北三十里儒林鄉洞內去地三十丈景物
不減洪陽中有丹爐闊二尺厚三寸許圓如既望之
月傍有一石磨與丹爐尺寸不差或以爲燒爐蓋

桃源洞在縣北清教鄉上松後龍山背洞口空闊攀踞
而入石室虛曠有石鐘石磬扣之有聲竇穴奇怪不
可窮詰直北一室天窗虛明石帆至地躋攀而上所

分宜縣志

卷一

地理 山洞

五十

見愈奇石級如田傍有石樹如荔枝有池澄泓石龍
天矯其上深入則路窄不可行或云可通上高末山
國朝邑人鍾學進桃源洞賦云鈐北上松有古洞曰
桃源高人韻士親歷其地賦咏甚悉洞門有四大字
曰桃源洞天惜其世遠則苔蘚侵凌乎碑碣年湮則
風雨斜抹而模糊故可望不可卽亦若有而若無山
川遺仲將之筆仙蹟繪摩詰之圖其賈勇而入也徑
滑險阻谿折縈紆羊腸若蘄絕鳥道歷崎嶇其首洞
也豁然天開何異蓬萊二石對峙而名獅象百嵌玲
瓏而淨塵埃歷乎洞府之深沉藏乎谿壑之曲隈其

旁列也仰玉樹之森陳扣金石以成聲似鐘似磬恍
接韶音地穴震而霹靂山魈驅乎鯨鳴又有小隙不
顯靈異秉炬照之若開若閉蹤跡似八仙之渡海雜
遯如諸仙之來世爰有高人指點迷津石路經斧斤
之劈俯首宜蹉跎而行非烈焰不能入顧跬步而若
驚適冥搜而散懷方暢景以移情滿室如金壁之輝
布地見神龍之呈其數有九其機若生頭角不露乎
塵凡鱗甲每隱乎秋潭頷有明珠之異喉有逆鱗之
斑食五花之樹遊十洲之間潛躍不在深淵而在原
谷屈伸不居巨浸而居人寰其中杳渺難窮竇穴潺

分宜縣志

卷一

地理 山洞

五十一

溪樹如荔枝枝奇若舟帆石級石田遊徧開顏語云山
不在高有仙則名水不在深有龍則靈亶其然乎至
若虛雲霧於巖岫布霖雨於蒼生或飛或躍倏幽倏
明神物固爾不測天矯任爾縱橫此又天壤間之變
幻無窮豈世人之所可模擬而品評者哉 又詩云
古洞從來別有天名題峭壁蝕雲烟半空寒氣侵肌
骨幾度逡巡不敢前 聞說桃源好避秦桃源花發
洞中春漁郎來覓桃花瓣一見桃花喜問津
宋陳浪顛詩云秦人避世桃源後更著桃源在楚鄉
古往今來一塵迹漁歌樵唱幾斜陽眼前不見落花

面空裏但聞流水香試捧寒泓漱牙頰擬吞瑤屑下
詩腸

元范梈詩云天工鑿混沌地穴出嶺岼陽氣三冬變
陰風六月寒仙風攜鹿到神物護龍蟠舊跡懸岸上
年深字欲剋

明宜春梁佳植詩云松林石徑幾盤迴洞壑陰陽次
第開鎖霧籠烟隱有屋凝華積翠玉爲臺雌雄地鼓
催新句斷續厓泉入酒杯幽勝縱觀塵俗遠仙遊何
必到蓬萊

國朝林鳴鶯九日遊桃源洞詩云上松山水人稱美

分宜縣志

卷一

地理 山洞

五十二

磊落英多麟鳳起石埧古洞何空靈仙跡神蹤傳舊
吏我來浪作桃源遊剔穴搜巖老未休劈面西風聲
颯颯短筇長屐臨清秋囊萸拉伴高嵐里白頭健步
心無悸洞口雲收石磴寒黃髮垂髻煩倒屣薜蘿遙
入崆峒裏灼草燃膏有路通貝闕瓊樓天所造琪花
瑤草殊青葱猛虎昂頭九龍躍龜蛇盤折嘉林中渡
海仙人露雙膝令人可望不可從吁嗟乎此非木公
金母所窟宅如何神工鬼斧爭磨礪我聞昌黎勇登
華嶽頂投書眞恐身爲隕又聞劉阮入天台桃花洞
口逢仙回天台華嶽稱名岫此僅崕岼一大竇古人

古人如可作我欲呼來同摸索冬如挾纊夏握冰坐
臥其間寒暑卻人生天地皆蘧廬何必侈口談皇初
願結茅亭倚絕壁年年到此探奇書

黃抱奇桃源洞觀石鐘石鼓詩云避世秦人不記年
磷砢怪蹟各森然歌鐘彷彿雲端送土鼓依稀檻外
傳響徹山僧無覓處音隨漁父棹歸船源頭現在鈐
岡地何必武陵訪若仙

清風洞距桃源二里許居山之陽狹不可入旁有流泉
潺湲清風生焉又有雙清洞冬溫夏冷避暑者置盤
餐於中食頃輒凍其上有亭曰雙清亭

分宜縣志

卷一

地理 山洞

五十三

蝦蟆洞在縣北四十五里近殷家峻洞景軒敞嵌空伏
地如蛙故名

寒坡洞在縣北九十里旌儒鄉孤山村洞中空闊有清
泉雖時極熱至此皆寒故名

邑紳林鳴鶯詩云袁陽巖洞難僕數名著洪陽與石
乳昔曾秉炬訪仙跡混兮闢兮濬靈腑寒坡有洞志
弗傳委之荒郊藏野鼠我聞其勝擬崆峒拉伴同遊
尋地主洞口光明任坦行縱橫十丈如堂府講學談
經遇紫陽何必鹿洞成千古窅曲嵌空路路通焚膏
灼草恣採取不數洪陽八幅裙不數石乳鐘若鼓鏤

金鋤繡入寶山瓊草瑤花集仙圃中有清泉湧地流
尋源莫識沾漑溥造化鍾靈地何偏謝公屐齒不到
處我輩登臨亦偶然斜陽迅速鳥息羽歸途眷戀有
餘思安得此間消溽暑

仙姑洞有二一在邑北石子埕右石屋幽邃祀海神天
后於洞中故名

國朝宜春袁芳杏遊仙姑洞詩云西河曉渡問仙鄉
不信桃源路渺茫黃鶴去時巖徑寂白雲封處洞天
涼疑攀王母瑤池果似乞麻姑玉粒漿遊罷樵童歸
引路爛柯山外帶斜陽

分宜縣志

卷一

地理 山洞

五十四

一在蘭盤仙姑嶺下舊傳仙女於此績麻多載一日
駕布疋至蒙山如橋飛昇因名其洞無底每遇歲旱
鄉民禱雨投石於洞輒應

迴瀾洞在邑北蘭盤迴瀾嶺下高峻幽邃洞口空明初
入石室平坦軒爽由竇而入始暗一水春溢冬涸有
石柱石樓南田北土石鼓石鐘石龍夭矯有鱗次第
至五關有穴通頂微明深入八九關所見愈奇至十
關光明由洞出卽是隴坊里

胡仙洞在邑南七十里

邑副舉張炳燮紫雲崗胡仙洞記云鈐之南有紫雲

崗者福地也舊有廟相傳胡太真人常煉汞於此上有丹池華泉澄澈池側石篆有胡仙古蹟四字山中多產藥苗凡祈雨乞醫者悉有驗歲己未里人感其事爲增廓垣字洞中石台石壁皆天然邇來諸同志邀集登臨皆盤桓不忍去其山形如獅或名獅岩前則爐峰鼎峙裊如雲烟後則人嶺森立端如侍衛左則鈐陽萬戶均在指顧右則袁吉諸峯盡皆羅列舉大岡之秀拔明月之淡遠武功之層疊甌峯之崔巍要皆有目不暇接之概至於風月雲霞之異景雪霽晴陰之殊態在騷人韻士自領其趣而已夫天下名

分宜縣志

卷一

地理 山洞

五十五

山多矣第以供雅人之賞識亦安足重而茲洞有泉可以活人草木可以醫人而實由大真人之靈爽有以濟人也予幸叨梓里爰就所見者而爲之記

川

縣前江卽秀江在邑城南漢志宜春縣有南水東至新

滄入湖漢水水經注牽水經宜春縣東入湖漢水嘉靖府志其源出萍鄉縣羅霄山東流至郡城過分宜新喻至臨江府合大江自宋始有分宜秀江水自下浦白沙經車田入分宜境趨洋江彬江下昌峽由黃土潭學步潭入縣前澄澈環抱詩云江抱羅村如玉帶卽此城南門臨江名清源渡過萬年橋穿鐘峽經袁家渡出白澗渡爲新喻境

按南水見漢志十水中發源羅霄山流經府城西爲稠江牽水見水經注十川中考古錄以爲卽漢南水甚確惟宜春東境夢水當在分宜境詳見雜

分宜縣志

卷一

地理 川

五十六

志

渭江水在縣東南三里東廂左自長富右自東岸中自禮冠三水同匯厥江下經新社二十里由楊柳潭至

渭江入秀江

長富水在縣南三十里十都大和里發源甌蓋嶺會天池山及源頭垵諸水經硯子石大礮下迎龍橋坊上鍾靈橋南會山田水過東岡又東匯田心水經山口東北流入佩印橋爲長富由長富出礮嶺過礮裡匯江亭壽南橋岡下水入焉岡下水自五嶺發源過嚴塘西匯筍坑芋坑諸水出礮口南匯井溪水香爐峯

下出叻村折而南經礮裡匯江亭橋下同出下午長
陂白溪陂入永濟橋

禮冠水在縣南三十里招賢鄉七都登龍里發源葛藤
嶺過塘井陂爲禮冠經安定山及佛嶺瀑布下龍潭
環潭皆山中有平地約數丈甚暑納涼寒氣襲人過
荒源與長陂水同匯永濟橋下至廠江南匯馬不陂
水

東岸水在縣南四十里八都大清里發源分水坵北至
飲泉亭下爲東岸歷檢江陂雞山下東匯彭家山之
長坪坳長隴寄柴坳水北經金頂峯下旋繞至麻田

分宜縣志

卷一 地理 川

五十七

橋下堰過桑棗舖金鳳臺下西匯淮源沙嶺漳源坳
水經羊古陂重田嘉惠橋又西匯北村水歷渣村廣
德橋匯鐵砧山嚴源塢源苦竹山水由廣德橋折而
北趨大羽陂新澤塘下陂珠溪楊家陂普惠橋下匯
斜江水從觀頸陂至店前爲馬不陂下合永濟橋水
永濟水在邑南二十里六都招賢鄉過新社東邊至白
廟前東匯木源水北過瀝山頭白芒匯小芒水小芒
水發源楊姑之陰出莊邊至白芒與諸水同出金雞
舖西匯賀源水過大嶺背老虎口出磨腦橋同入渭
江抵秀江

野江水在縣南五里西廂野江口左發源龍蛇坑轉鼓
鑼巷出小水口陂至羅田村右發源紅花仰棲霞嶺
出黃坑東北匯香爐山水歷較嶺擾江裡謝家坊許
家橋南合忠武嶺水折而北出月山下星子墩石陂
橋灣裡壽南橋南匯薦裡水抵山下同匯野江入秀
江

路口諸水一曰合山橋水聚田間小水而入一至社屋
橋爲東坑水一至社坑橋爲楊柳坑水一至院坑橋
爲老虎坑水各入秀江抵昌山爲昌峽

昌峽在縣西二十里彰善鄉甯安里山勢雄踞橫鎖江
分宜縣志 卷一 地理 川 五十八
流而袁嶺出峽間石梁蟠亘險常覆舟名曰傷山後
改今名顧野王輿地紀晉永嘉四年羅子魯於山峽
爲陂灌田四百頃今崩塌

按昌山峽卽三峽之一水中有望夫石相傳唐太
守鄭望夫於此修堰溉田後人思之因以爲名
國朝知府李芳春昌山鐘山兩峽小記云秀江自郡
抵昌山蜿蜒曲折幾百里至此兩崖闌束水勢奔突
昔年有堰水成渠溉田四百頃者余每訪求故迹杳
不可復但滿水嶙峋廉利侔劍戟曾不容刁雖長年
未有不攢眉者望洋浩歎久矣又由此三十五里歷

鈐山至袁家渡是名鐘山其險與昌山等沂水者勞
疲竟日僅可達分邑而昌山又無論矣以此商賈不
通舟楫罕至殆若天造地設焉康熙庚戌秋中余間
行相視委官鳩工約平其兩峽中石之險峻者凡兩
閱旬而畢自是水勢緩衍舟可坦行篙人擊楫以濟
吾民往來自謂有得也桂香初綻漫爲之記

邑人袁汝璧昌山鐘山兩峽記云分宜縣治西二十
里有山下瞰秀江怪石絕流往往覆舟名曰傷山訛
爲昌遂呼爲昌山峽南岸有閱城君廟唐宜春令盧
萼所建顧野王輿地記晉永嘉四年羅子魯於山峽

分宜縣志

卷一

地理 川

五十九

爲陂灌田四百頃今攷其蹟湮沒崩頽矣治東十里
有鐘山秀水中流亂石屹立逶迤數里險不減昌峽
南北二山夾岸對峙南曰南鐘山北曰北鐘山地輿
紀勝云昔有漁人於此水得一鐘叩之聲霹靂羣山
震動急沉於水山以故得名或曰此秦時驅山鐸也
北山之麓有石篆數百字人莫能識殆仙蹟云余於
是有嘆焉羅陂之圯樂因循而憚改作坐使水利之
廢豈陂宜于古不宜于今耶而閱城君廟千餘年不
替何也玉石篆文與抱犢山石寶事相類恨無博物
之士識而寶之與秦碑漢隸並登集古之錄以傳於

世又可惜矣

唐黃

一作王

子山昌山渡詩云踈柳離江驛殘花別楚雲未甘魚共葬猶得雁同羣久矣離騷國居然翫骸文厚顏滄水使深謝閱城君

元邑紳歐陽元昌山渡詩云昌山渡口日西斜蘭渚維舟近酒家水漱樹根龍露爪石排江岸虎交牙路迴佛寺藏深塢風動客船掃落花再拜靈均獻蘋藻月明環佩下汀沙

明邑紳嚴嵩昌峽詩云霽曉渡昌峽花山烟靄開中流萬石鬪隔水一舟來祠古還依嶂林幽忽放梅故

分宜縣志

卷一

地理川

六十

鄉知信美臨眺轉徘徊

國朝知府吳南岱昌峽詩云昌山野渡自雲中高閣森森古樹叢兩岸溪聲喧晝夜半天梵語落虛空人當暝氣全消暑路捷灣心自轉蓬莫以一官悲鞅掌由來清夢在松風

新喻晏斯盛昌山詩云崇山如劈兩峯青水激山梁似建瓴穩掛片帆凌絕壁東風遣使借山靈

新昌教諭湯斯祚昌峽詩云陽侯積磊塊吞巖哽不下亂石扼昌山晴空雷雨詫隋厲辟魚龍十里聲憚嚇怒如駭鯨張獰如雕虎跨頽如天柱傾輓如鐵輪

呀或卓或復跽或躲或復迓水石不肯降決勝何時
罷八陣突重圍生門爭脫卸扁舟怒螳螂奮臂當車
駕急溜久相持孤軍幾退舍入坎險且枕左顧右不
暇一髮隔人魚安危神力藉始信刑牲時舉念非虛
假落日暮雲平炊烟起桑柘計最爾長年酒聽滿壺
瀉

嘉興貢生陶璉昌山峽詩云驅山山不行截流鎮江
面巨鼇劈嶺岳神漢肆噴漩衝波石將崩晴空雨倒
濺行看七聖迷鑿待五丁遣呀如石門闖轄如鐵輪
輾鏢如舞劍騰森如奮戟戰屹如鎮巨鼇臂如駭奔

分宜縣志

卷一

地理 川

六十一

猿賴如虎牙張攫如龍爪窅入坎坐於針沿流引若
綫刺篙術少疎觸嶸禍立見賴有忠信存顧猶心胆
顛稽首閱城君乞借東風便

袁人伯昌山詩云古寺支山麓長橋臥水隈風驕帆
趁馬石怒浪鳴雷估客來仍往江流去不回沙鷗如
我懶日暮共徘徊

吳悟雪過昌山渡詩云漸近瀛洲地仙山隔岸東颿
分天末水浪起日高風泛梗身如寄乘槎志尚同江
鷗應識我姓氏不須通

白坂橋水發源自源頭 江口水發源自土田俱入秀

江

施溪水在縣南四十里七都招賢鄉上施村右發源寄柴垵之山西左發源石礮坑至石火陂合流下村匯小嶺背水又會花鷄嶺水出七里坑楊家陂匯袁家礮水歷承源陂匯垵背水抵小陂出大橋匯醴礮田心水

醴礮水在縣南四十里醴家礮村發源礮下出龍頭江合宋家礮水經田心礮下陂下屋陂至大橋南匯施溪水由田心東北流下市匯嶺上水過鎮遠橋杜陂石黃陂抵北溪北匯山田水

分宜縣志

卷一

地理 川

六十二

山田水在縣南三十里流南坑過石虎陂趙公陂免鹿源抵北溪崇福橋下與田心水匯出北溪兩江口經陂下入許家莊水流新屯南匯檀溪水

檀溪水在邑南三十里神龍鄉清風里左發源迎塘嶺過社坑塘坑至合塘陂中發源神嶺經石灣陂張家坊右發源橫江經項家大山陂劉家村至三元橋三水合流出九十巴陂磨陂建背至新屯橋下匯北溪水由新屯過將軍灘陂歷下坊人陂至江東坪合小江水小江水左發源大行山楊姑垵之陽右發源隴源小行山經曲江至木公陂合流出東坪車陂經大

江橋神龍橋三官殿前北匯慕塘下源坑水至芳陂
南匯東溪水爲嚴塘江

嚴塘江在縣南三十里嚴塘村慕塘東溪二水入焉慕
塘水發源李坑上田合下源坑水至三官殿前入江
東溪水發源老虎峻與彭家隴出山下至官陂同入
嚴塘江由嚴塘江流觀前經易家橋李家山出水口
入新喻河

按嚴塘江爲招賢鄉神龍鄉眾水之所匯凡山西
石隴坑醴礮山田小行山上田皆其發源處舊志
載李家隴檀溪稍爲闕略李家礮卽醴礮又痕山

分宜縣志

卷一 地理 川

六十三

水卽小行山水十家礮水地名無考舊志亦疑有
誤

社背水在縣東南二十里社背村流荷源至洋田入新
喻河

澣頭水在縣東二十里澣頭村發源幽山鴨婆嶺出狀
元坑石腦上官陂經東江入秀江

桐嶺水在縣南五十里九都桐嶺村發源鄱官嶺下經
石巖頭相見灣塞魚潭趨礮下陂龍潭陂門前陂沙
田陂至下桐嶺江水折而西爲桐江口西南匯嚴渚
水

嚴渚水在縣南六十里九都嚴渚村發源仰嶺下象公潭東出玉女峯過金蓮山下南匯石坪山水爲嚴渚石坪山水出天香臺折而東過焦坑出金蓮山下入嚴渚江由嚴渚水東北出泗海南灘陂楊野陂毛竹山下陂至桐江口冠子潭陂香花潭陂匯桐嶺水折而西過神山上澎湃潭陂至嚴田塔前陂匯豐源水豐源水在縣南五十里九都豐源村發源功德坑下南出泊塘東匯大嶺水西匯南坑水南歷撐腰石出大坑爲豐源過象形下陂經塔前出長江由長江出天馬山泉山下陂歷雷同嶺過蓬下陂至西岐山下北

分宜縣志

卷一

地理 川

六十四

匯雙溪水

雙溪水在縣南四十五里九都新興里雙源村左自盤蓮坑發源東南至穀谷折而北爲沿山東匯楓下水又東至株木橋匯漚源水右自佛嶺發源北至籥下過社邊又北匯玉嶺水經二王行祠過石澣江穿軒陂窄陂李家坊早禾陂折而東至雙源爲廚潭爲龍環橋下陂北匯丫江水爲雙溪由雙溪南至胡頸橋東北匯斜下水入櫃仔潭又名雙江南至西岐山前匯長江水入漳源

按舊志載雙溪水出雷同嶺下匯豐源水兩帶夾

流得名誤

漳源水在縣南四十五里九都鳳岐村歷臘陂洲前陂
匯山洞坑普度橋下趨龍骨陂長源陂荷包陂流頭
陂歐山陂橋頭梁野陂至桃源下規江築陂馬鞍石
卽西岸順流過沙田陂懶人陂觀前陂麻田陂至印
山腳下赤口陂與汭江水合入桐江

汭江水在縣南六十里八都防里村右自黃真人臺下
發源東至山口北匯花園水出瀑水礮下有深潭歲
旱祈雨輒應過長浦匯山田水山田水自白雲峯過
峽亭發源折而南歷山田圳下陂出鮎形下與長浦

分宜縣志

卷一

地理 川

六十五

水合由長浦海螺陂牌上陂至黃陂歷社江南匯桐
木水旋繞至防里泉岡山下左匯漳源水二水合流
爲汭江同過星拱橋鷺公腳下石陂抵安福廬陵版
陂至吉水桐江入贛河

邑北諸水自東而西由西折而南出秀江仍自西而東
有三總匯一曰南山水一曰楊橋水一曰楊江水三
水納諸小支合流爲一通津外此則江斜蒙江航江
三水皆北境抱山夾流而出秀江茲標六目次第編
載

南山水在縣北八十里南山村左二支一自蘭盤石獅

嶺一自界牌嶺發源同出迴瀾洞口由簣窟過弓江
上井塘西會南山水右三支一自習泥塘蘆塘壩發
源流山泗下石馬會龍泉泉自楓山嶺下石洞流出
過鳳塘一自甘棠嶺發源歷弓陂赤土過鳳塘一自
上分嶺發源至井塘何家裡會鳳塘右又一支由瓜
田發源歷上松桃源陂一自烏林塘發源至匯源合
流下火田會鳳塘水俱過塘西上樂橋會南山江
楊橋水在縣西北六十里楊橋村正北一支由南山江
歷衡陂新陂芳山下小江邊大湖過坪湖橋出泉坵
西北一支左出自桂村山下右則自色帶發源歷森

分宜縣志

卷一

地理 川

六十六

塘至妙圓合流出小礮江東下泉坵與正北一支俱
會滑石橋入建陂東北一支由午橋章湖塘一帶發
源西流高嵐泗背經下板陂過望封橋流規陂歷項
家季戶陂青陂過石陂橋有嘴陂瓦子陂同泉堰禮
陂夏塘村下鵠橋至顧村歷老古長江陂而左境仙
姑洞并桃源石子陂水口陂諸水合流注潭鄉朱陂
會建陂出楊橋江又東北一支由美塘竹溪潭發源
西流張坊歷舉橋埧口下觀光歷義橋至荆陂而南
境歙州塘詳塘角陂網坑諸水俱入焉水皆西流過水
浦橋合廬州水因肇故居
在上得名歷王陂至樓霞折而南過

翔龍橋會楊橋江春夏可通舟秋冬用小筏通貨至
楊橋市

楊江水在縣西六十里楊港正支自楊橋江南折出張
家城經介石過卷山漳塘江東下紐村江左爲白水
一支泉自繁堂虎砂石穴出西流潭下嶺下大坑下
白冰出獅子口過西田會禮堂諸水流蕭坊下蕪坵
狀元橋合梅塘水至禮教坊珠塘入紐村江一支由
宜春伍家坊流入本邑水頭過新安橋歷潭埭下長
塘會石壁下又一支由宜春潘家坊流入本邑券陂
過琴山前會石壁下以上四支水俱入楊江四時皆

分宜縣志

卷一

地理 川

六十七

可通舟

蒙江水在縣西三十五里彭津村自邑東咸山發源西
流草山出花園折入黃舖過水崖橋歷江南官陂祥
里上村至鳳陽橋章睦由沔村箬坑折而南抵蒙江
一自邑西庾塘發源東折而出彭津抵蒙江入秀江
江斜水在縣西三十里江斜村一支自盧塘發源北流
出江斜一支自冷水塘發源經上村下園過大背頭
歷水東橋至江斜一支自珠塘發源過赤塘下流三
十里匯江斜
邑西四水一曰河澤水在縣西十五里火山橋村自塘

邊火山橋塘發源東流社山村纏橫坑五里牌橋出
大路背陂入秀江一曰大金橋水在縣西十里金塘
舖自袁嶺七峯下發源過石口通小金橋會大金橋
入秀江一曰謝恩橋水在縣西五里橋下村一自縣
西德全里大龍田山麓下發源南出謝恩橋一自七
峯嶺下泉塘發源過羅家邊至謝恩橋入秀江一曰
落星湖水在縣西五里落星村流小北門城洞注福
壽橋出化龍橋入秀江

航江水在縣東五里河岸有水府真人李公廟事詳廟
祀一支由山塘下發源流下村車土江年坑西邊坑

分宜縣志

卷一

地理 川

六十八

會航江橋一支自鉄坑燕窩發源出西峯口上至院
前陂左會青龍陂橋頭右流棚下黃家橋路西坑會
大新橋一支自泉塘下發源出陳家邊過介橋至十
里店樟樹下后英桐橋會水輞江下航江一支自介
塘發源名介谿水渟泓清澈冬夏不竭流介橋小溪
合泉塘下水至航江入秀江

竹橋水在縣東北二十五里收村一支左自冷水陂發
源過袁山洞袁山陂出等陂右自新山下發源至五
家陂經毛塘匯大泉塘過泉陂等陂上山陂入儒林
橋社樹橋經藥陂長遠陂車陂入車陂橋下丑陂趨

鏡村會竹橋一自金塘發源出棗塘會坪塘過小陂
石巖陂鱻陂抵敖家橋入收村一自莊岡嶺北新塘
陂發源出南山抵收村一自桂山金石臺發源流鐵
坑羊頭山入梁塘至胡壤台陂又自龔山潭發源流
梁甬過石橋出南門口橋會台陂出松陂度西頭橋
經茆田陂羊頭橋入湖澤龍公陂又自龍門洞發源
流陳思陂廟前陂度藍壁橋經過路陂担水橋會龍
公陂東出租山陂小陂桐陂過水心橋經階頭高陂
收陂同入竹橋由竹橋至上井陂過頭村小姑陂下
萬溪陂萬水橋吳家陂出聖陂普光橋入白漾渡一

支自八角亭內小路口冷水塘米篩泉發源流石虎
陂至官陂注小水塔出白泥埭會萬溪水入白漾渡
東北鄉水歸新喻江凡六支一曰湛源水在縣東北五
十里繁堂出湛源石穴東流平規折而南入蕉坑東
折青竹會龍潭江東水出昌坊下小縣一曰江東水
在縣東北五十里江東村自蘆泉塘發源至青竹過
池頭會練陂鐘甕陂厯下城又一支自冷水井發源
南流桑林會龍潭水東轉過練陂至下城一曰集溪
水在縣東北六十里集里埭自百子嶺發源經三角
波過漿源陂注黃家陂流茅竹坑至石陂口一自上

源山發源過塘西歷阻陂坑注大和陂至楓木陂流
茅竹坑會於石陂口一曰輞川水在縣東北八十里
輞溪村自岐嶺發源出東山下至鄒家陂過石牛灘
會洞村一曰洞村水在縣東北八十里洞村自蒙山
發源至南村洞口會洞村諸水一曰江夏水在縣東
北八十里江夏村自涂塘發源至洞村過霞工張公
陂南至江夏合週塘水又一支自孤山寒坡洞發源
至石埭村會江夏水以上六支俱歸新喻境至小縣
合流出祖陂江入喻水大江

楊潭在縣西六十里楊秀二江水合流爲潭東流三十

分宜縣志

卷一

地理 川

七十

里曰石浪潭因巖石激水成潭故名下流昌山峽十
餘里水匯爲潭曰黃土潭復東流里許至眞果寺前
曰學步潭又東下十里至鐘山峽波瀾縈洄深沉莫
測曰轉鐘潭世傳黃巢黨以鐘烹牛其鐘靈轉入水
因而名焉

西岡湖在縣北三里廣六十丈可溉田六百畝

落星湖在縣西五里廣五十畝其深莫測舊傳唐時耕
者向氏母居此一日有僧謂曰若有白犬至門當速
徙母候之晝夜不寐果如僧言母乃走回視見巨星
流於屋神光燭天須臾成湖因名傍有龍王廟旱禱

禱雨輒應國朝邑令蔡文鸞觀落星湖詩云二月快
南薰泉聲馬上聞菜花黃弄影麥穗秀催紋風靜魚
噴日波明鳥啄雲何年天墜宿留得水田分

西關洲一名狀元洲在縣西關黃土潭之下諺傳沙洲
插縣前分宜出狀元

沙米洲在縣治東鐘山峽中春夏湍急白沙擁起兩岸
如米邑人以之占豐歉若南岸饒則南岸豐北岸亦
然

卓篙泉在鈐岡相傳昔仰山二神維舟卓篙於半峯遂
有泉湧出舊有亭後廢萬曆六年知府鄭典重新之

分宜縣志

卷一 地理 川

七十一

障石欄於外登臨可憩望焉

金塘在縣北三十里金家居舊傳金姓居此一日齊施
有丐子來眾皆叱之一婢私與饅飯遂謂婢曰若有
犬啣鞋走當速趕去婢如其言趕至山下回視其家
則已成塘因名其上有桂林二守羅諒墓

歙州塘在縣西北六十里文標鄉觀光相傳盧肇爲歙
州刺史後歸築塘於舍之南鄙故名

盧塘在邑西三十里塘有上下上塘闊一里長三里西
通水圳至高家村宜分交界之地東流九曲繞古嶺
上屋後匯秀水下塘闊二里長四里西匯上塘水東

至江斜達秀水其泉湧注可灌田數百畝塘魚極肥
美而骨柔脆可結繩

補遺

七峯聳翠

朱 翬

玉峯如筍當霄立翠黛橫開曉天碧豈知函谷七賢
人直至昌山化爲石山頭化石孕神靈南離燦燦老
龍星我向七峯奠盃酒不知身在五雲層

春日馬四尹喻同寅招遊洪陽洞不果柬示二
君 胡壽先

安仁坵壑總天成惟有洪陽最得名每望三年瞻紫

分宜縣志

卷一

地理

七十二

翠何期十里隔蓬瀛雲深古洞尋仙躅花遶遊人伴
鶴行聞說葛婁多異術歸來遺我學長生

昌山道中口占

張世峻

驢背容人飽看山洪陽咫尺白雲間東風一路歸鞭
杳吹送詩思任往還

洪洞鈐山二志跋

郭思齊

康熙壬辰歲余從先君子學於白芒之秀溪臺臺故
黃太常讀書處秀氣融結山環水抱與鈐岡對峙蓋
勝跡也鄉有李生嚶嚶其志謂昔黃太常讀書於臺

節義文章彪炳天壤意有得於山靈之助與因與同志負笈於孚惠祠之右而某氏妄稱山主責其不爲與聞競勝不已李生購得此書刊本某氏語塞借而閱之見其約色黝黯字畫楷正有序有跋有圖有咏雖蟲蛀蠹蝕不無漫滅而屋漏朽痕古致斑駁且其後附太常公祠記詩章益肅然起敬夫以太常之正氣塞乎天地人傑地靈並垂不朽當其處臺望鈐未必無仰止之思厥後建公之祠又面鈐山爲屏然則李公之附其事於志未殆亦天造地設也先君子設教於是常立公之牌位朔望敬禮適得其志與事敬

分宜縣志

卷一

地理

七十三

錄存之以留什一越今甲戌明府陳公遊洪陽洞見壁間原韻更相唱和里人任時遇因出洪陽洞志相質詳閱序例二志實同時所纂余念先人手澤之遺追憶前數十年庭訓苦心迄今檢閱遺冊捧讀之下怒焉心惻爰取藏本重抄與洞志都爲一集好古之士得所據依是亦博奕之用心也已乾隆乙亥歲秋八月南岸郭思齊書於桃李園

昌山鐘山兩峽記

張溥雲 邑令

鈐陽之西二十里許曰昌山距東十里則鐘山在焉二處均限以兩山東以巨峽水激急流衝突行舟前

康熙庚戌郡守李公芳春曾委官鳩工平其險峻而石齒鑿鑿利如劒戟巖巖嶙峋未有不望而攢眉也道光甲申副總戎張公建英別號郎庭者協鎮袁臨舟從此過見其山峭水駛灘石橫亘舟人望洋浩歎不禁惻然久之遂欲捐貲鑿石易危而安又慮董事非人未能功歸於實乃郵札來請曰貴治張君壬乃鈐邑豪士素有急公向善之名僕素耳賢聲用特付託務祈延至以勸一臂之力余見其情詞懇切未便不成其美爰請張君商之命匠購辦竹木茅柴水車鍊器等料並先期製造木櫃以備櫃水畚土旋據匠

分宜縣志

卷一

地理

七十四

云峽口逼窄若環繞四櫃築砌茅柴土石中裝水車阻遏河流似於舟行不利若止就石之上流下櫃則瀏大湍急左右衝決匠難措手卽就上面與左右各下一櫃而逆流迴瀾亦難爲力兼以工鉅費繁集事匪易張君曰召熟手卽於石之兩傍酌定左右空出船路止就一邊下櫃其上下各斜下一櫃既可省費且不礙舟予應曰善爰白總戎諏吉興工屆期郎庭親詣孝通廟禱求

聖母佑其功成復命外委沈悅 分宜汛守劉雲鳳監督
工匠先將昌山之上滄排柵石枕頭石中滄 石

下滄橫石高石牛皮石次及鐘山之橫石圓石尖嘴石盡行鑿畢自是水勢漸就平易客船徐行篙人擊楫以濟罔不稱便是役也經始於辛酉仲冬訖工於丙戌秋九月郎庭所捐白金凡壹千貳百有奇余忝守斯土慶茲役之有成嘉郎庭之功溥不敢以不文辭爰紀其始末以勒諸石道光丁亥年十二月日記

洪陽洞志跋

李元弼

山川有圖敘紀在史氏題詠其致騷人墨客事也物色而表彰之垂諸永永守土者責也治有秀江跨大橋而達鈴山之巔可適公餘然而人力擅其大半距

分宜縣志

卷一

地理

七十五

治十里許而洪陽洞俯仰嶽崎中爲日月磴閣人物鳥獸之狀奇怪變幻躍露天成爲羽人不死之庭葛婁二仙居焉金銀世界大千在在有之名屐相從佳咏琳琅舊有志載會今再輯報成而余承乏至暇一登覽洵志稱不謬顧余辦事未遑而託情寄勝毋乃曠乎第宜之時俗沿革有薦紳黃耆之屬是詢而山川土田或者荒耗之餘有年山靈河伯實共其憂余將告焉紀豐樂以爲觀未便弛民也况一觴一咏蒞茲土者不有今日之典型在乎名山大川藏而蒞之再加蒐輯以振其奇更有事乎斯志也昔善記山

川無過乎子厚躬自嘗之不得乎心而爲言不得乎
其言而爲文古人病之殆余向者耳而未之目者乎
忻忻嚮慕茲而有言幸矣

形勝附

分宜為袁鉅邑山水秀朗仙臺外倚於仰山秀江東馳

於彭蠡

汪諧重修分宜縣學記

分宜邑治前瞰秀江源發於楚萍至此渟瀆而邑西東

限以兩山東以巨峽

嚴嵩分宜萬年橋記

吳楚交會之區乾坤幽奧之境袁水西來演秀江而渟

澄若鑑鈴岡南峙環疊嶂而蒼翠如屏

許讚書院記

鐘山仙臺諸峯遠近環列而鈴獨蒼然秀出端若屏嶂

嵐霏空翠近若軒几風松烟竹灑如沐如

邵寶東堂記

按舊志稱縣治山脉來自上高末山邑南則紅花

分宜縣志

卷一

地理 形勝

一

仰其望也南北諸水皆會於秀江上下游其別出

者具詳山川志其形勢則前賢記敘類及之至形

家者言非大雅所尚概從其略

分宜縣志卷一

水利

神龍鄉

芒陂

郭家陂堰

大川圳堰

車陂

直通圳堰

曹家圳堰

英江橋堰

黃家圳堰

譚家圳堰

方家圳堰

洗圳堰

大陂

長陂

毛家陂

木公陂

村前陂

荒陂

泘陂

高峰圳堰

泉塘堰

西峰堰

分宜縣志

卷一

地理 水利

一

關家堰

南礮堰

橋頭堰

大礮堰

官陂

芳陂

牛坑陂

合塘陂

石灣陂

大山陂

九十巴陂

磨陂

將軍灘陂

人陂

木陂

孫家堰

王家堰

劉家堰

塘元陂

西岡塘

晏家塘

官塘

店背塘

增新 山田陂

招賢鄉

小陂

石黃陂

馬不陂

雷陂

官田陂

下山陂

楊家陂

承原陂

白竹陂

黃土陂

閃陂

貞陂

見陂

規陂

拋荒原陂

鄱官陂

臘陂

納陂

東邊堰

茶村堰

飯前堰

重田堰

新口堰

廟下堰

塢源堰

樹下陂

斜江陂

狹口陂

南邊陂

芒陂

車陂

大陂

木公陂

分宜縣志

卷一

地理 水利

二

官陂

芳陂

石虎陂

趙公陂

潭下陂

竹堰陂

渡陂

塘下陂

袁家陂

罐頸陂

鷺溪陂

塘井陂

大羽陂

新深塘陂

畝田陂

石虎陂

白芒西陂

舊呼西頭

白芒社陂

豐樂鄉

檢江陂

麻田堰

羊古陂

李家陂

重田堰

大陂

洞江陂

西霞陂

龍潭陂

門前陂

桐嶺沙田陂

南灘陂

楊冶陂

毛竹山下陂

冠子潭陂

香花潭陂

澎湃灘陂

塔前陂

西坑堰

澧源象形下陂

泉山下陂

蓬下陂

郭家陂

穿軒陂

榨陂

早禾陂

雙源橋下陂

臘陂

洲前陂

龍骨陂

長源陂

荷包陂

流頭陂

毆山陂

梁野陂

峴江陂

沙田陂

懶人陂

觀前陂

分宜縣志

卷一

地理 水利

三

麻田陂

赤口陂

山田圳下陂

海螺陂

牌上陂

黃陂

鷺公脚下石陂

廟山陂

馬鞍石陂

撐腰石下陂

新增 老屋門前陂

磚屋下門前陂

馬仔坵陂

坵墘下陂

化全鄉

剪山陂

山陂

唐家陂

新陂

蔴塘陂

石陂

新陂堰

上田陂

蔴塘堰

梓木堰

水步堰

石堰

廟邊堰

毛竹堰

赤土堰

魚家堰

狹村陂

源頭陂

下馬蕪塘堰

大陂

山塘堰

五家陂

板橋陂

井弦陂

黃土陂

落星塘

小泉塘

李子塘

鴨子塘

大小橋塘

新古江陂

石涯陂

雄湖塘

儒林鄉

松陂

龍江陂

小陂

分宜縣志

卷一

地理 水利

四

泉陂

高蔴陂

箬陂

陳思陂

收陂

萬陂

聖陂

階陂

楊婆陂

臺陂

小江陂

橫木陂

石陂

薄田陂

院陂

祖山陂

江陂

伍家陂

泉源陂

雨陂

江南陂

店前陂

筭陂

新塘陂

處陂

吳家陂

萬溪陂

冷水陂

小水陂

頭村陂

敖家陂

界首陂

宋家陂

梁家陂

張家陂

石陂

白凌陂

袁陂

黃家陂

樟木陂

株樹陂

楊家陂

藍家陂

過路陂

石虎陂

廟背陂

江城陂

王家陂

池陂

李家陂

東嶽陂

貴塘陂

增新 苟婆陂

麻田陂

分水陂

注泉陂

雷公陂

嶺山陂

建泉陂

大思塘

分宜縣志

卷一

地理 水利

羅思塘

梁塘

白竹塘

李家塘

石山塘

櫪塘

灌塘

甘雨塘

下泉塘

彰善鄉

高陂

檀山陂

小陂

黃櫪陂

袁家陂

陳陂

官陂

私陂

趙家陂

長延陂

宗陂

黃江陂

胡家陂

含江陂

易家橋陂

胡勝陂

水磨陂

魚坊陂

梁家陂

礮陂

施家陂

河陂

石陂

桑園陂

隴山陂

水口陂

亂石陂

鄧家陂

大陂

孔家陂

觀陂

六口陂

井源陂

石陂

伍家陂

羅陂

易家陂

新陂

張家陂

李家陂

楓坑

蕉坑陂

下坑陂

青山陂

水口陂

車頭陂

過路陂

大和陂

分宜縣志

卷一

地理 水利

六

白茅陂

傍山陂

隘陂

阪陂

拱陂

練陂

水磨陂

使陂

楓木陂

劉家陂

高家陂

喜樂陂

喜鵲陂

漿源陂

沙陂

三角陂

中木陂

合源陂

張家陂

新增黃家陂

黃羅陂

梘陂

鍾甕陂

大塘

圍頭塘

庾塘

盧塘

破江塘

雁塘

伯公塘

呼塘

施塘

黃坑塘

中源塘

池田塘

藕塘

挺秀鄉

今改文標鄉

短陂

南陂

袁家陂

吳陂

所陂

白陂

小江陂

灌口陂

臺山陂

謝家陂

夏家陂

木岸陂

江口陂

八字陂

視下陂

黃苟陂

笋田陂

田家陂

廟前陂

中港陂

小石陂

分宜縣志

卷一

地理 水利

山田陂

上隆陂

下隆陂

大源堰

鯉魚陂

土橋陂

鍾家陂

西塘

今屬文標

平塘

莽塘

丸塘

齒塘

新 梁家陂

小江陂

張坊曲江堤

文標鄉

玉陂

堰含陂

黃竹陂

階陂

堰陂

里陂

爛橋陂

朱陂

建陂

葱陂

桂陂

田陂

院下陂

源江陂

蕪圪陂

初陂

章陂

塘源陂

林家陂

鵲橋陂

下塘陂

洞前陂

金陂

洞泉堰

禮陂

黃泉陂

下源陂

新陂

水磨陂

老古陂

長江陂

石子陂

水口陂

水芒陂

燕陂

嘔陂

大小利陂

王陂

荆陂

柴陂

不離塘

赤溪塘

分宜縣志

卷一

地理 水利

八

分界塘

官監塘

白泉塘

燕子塘

谷子塘

柘塘

冷水塘

龍塘

中塘

新增雙陂
埭塘

霞塘

長江陂

泉塘

羊牯塘

旌儒鄉

席陂

住陂

盤古陂

社官陂

諸陂

南村陂

隘口陂

秩陂

黃土陂

陳公陂

南山陂

故陂

石柳陂

荆陂

石田陂

石片陂

田背陂

洞源陂

橫江陂

南岸陂

塔前陂

黃苟陂

南嶺陂

石陂

張里陂

謝家陂

辛田陂

鐵陂

疎陂

成陂

上辛陂

張公陂

圓陂

源陂

上溪陂

新坊陂

李四陂

礮陂

淡陂

苟本陂

楊陂

衆家陂

分宜縣志

卷一

地理 水利

九

苟陂

石陂

中家陂

易家陂

始分陂

神林陂

長坑陂

老虎陂

黃塘陂

李陂

大塘陂

南嶺陂

石坑陂

早下陂

鄒家陂

泉孔陂

長陂

褐陂

蓼溪陂

石陂堰

大塘堰

社官陂

玉堂石陂

張家陂

驕公陂

王土陂

慶堂陂

石陂

土陂

季戶陂

青陂

有嘴陂

瓦子陂

彰湖塘

周湖塘

塗潭塘

黃益塘

下朱塘

彰塘

洞泉塘

階塘

坎下塘

下南塘

客子塘

石欄塘

周霞塘

階下塘

泉山塘

石仙塘

周塘

上周塘

上溪塘

網溪塘

大塘

漫泉塘

箬塘

斯泉塘

鹿跡塘

石井塘

井泉坎塘

分宜縣志

卷一

地理 水利

十

大巖塘

井塘

新 增 萬春陂

彰家窩塘

清教鄉

小坑陂

三江陂

鋤陂 今屬文標

盧塘陂

塘坵陂

井巖陂

湖頭陂

小陂

王江陂

桂村陂

石馬陂

黃土陂

石陂

苟婆陂

阪陂

楊柳陂

李公陂

栗村陂

赤土陂

和尚陂

洙泉陂

站陂

社臺陂

闌陂

鬼塘陂

大頃陂

長陂

楊湖陂

大田陂

斜陂

界竹陂

乾陂

小乾陂

南陂

行陂

楊公陂

烏塘陂

小泉陂

遶湖陂

石榴陂

浪口陂

竹根陂

靚陂

塘源陂

階下陂

通河陂

烟頭陂

湖陂

烏林陂

石埭陂

增陂

分宜縣志

卷一

地理 水利

十一

中家陂

社陂

上陂

上前陂

藍陂

壇陂

茶陂

源陂

新田陂

羅林陂

下岸陂

小簣陂

傅家陂

江東陂

大禹陂

辛陂

前坵陂

良陂

禾場陂

潭陂

禮台陂

山陂

水碓陂

桃源陂

小江陂

陳公陂

獅子陂

中陂

車江陂

大陂

福靈陂

門前陂

消公陂

周湖陂

白鳩塘

叫塘

林尾塘

鳥林塘

梓塘

今屬文標

柘塘

埭塘

砂塘

獅子塘

今屬文標

斫磯塘

梔塘

石瓦塘

渺塘

車前塘

小泉塘

思塘

新增

文溪塘

又標鄉新增陂

王陂

上石灰陂

下石灰陂

水陂

新陂

爛柴陂

分宜縣志

卷一

地理 水利

津梁

航江橋

在邑東五里

航江汎之西久傾北

皇清乾隆二十九年監生趙士沆倡捐重修甲辰大水橋

復圯沆子生員廷拔等續修石礮木板不久又圯乾

隆五十四年邑令黃維綱率邑紳等捐貲相度地勢

改北數丈重建

新增

天津橋

在東門外里餘

化龍橋之東宋宣和間宗室趙明修建

明正德七年富賢富貫率族人重修

舊志

化龍橋

在東門內

宋淳佑間邑尉彭逢源建

查秩官志作趙逢源建化龍橋

無彭逢源恐有誤

按府志舊志儒學舊在橋西庠生赴試於此登舟
故名

謝恩橋

在邑西七里

宋屯田郎夏侯錫家其側子績孫士章

相繼登第皆拜恩於此故名崇廣各一丈東西去岸

四丈五尺覆屋三間後毀

皇清雍正七年邑庠袁連重建亭於橋之西

亭今毀

元虞集謝恩橋詩云五代屯田宅三爲列郡師綠袍

分草色畫袖列花枝雨過雙虹舉風生駟馬馳惟應

橋下水重見拜恩時

大金橋在邑西十里金塘鋪之西嘉慶十七年水漲衝

分宜縣志

卷一

地理 津梁

十三

圯十二都士民募輸重建知縣黃步堂記地無論廣
狹事無論鉅細有守土之責者卽宜平其政而使咸
得其所袁於豫章爲西鄙分於袁又屬東偏地雖小
事孔殷也予自己巳春膺

命來宰是邑甫下車卽詢一切興廢利弊殫心敷歷有前
哲所未舉者有前哲所已舉而復廢者兢兢焉務悉
求其平其最大者如考棚之建董其成而逾年告竣
義學之設謀厥始而振興有漸是前此所未舉也邑
西十里之有大金橋也繇來久矣頃因金歲夏五驟
漲傾圯予巡行至是心甚憫焉念此地爲上下數省

通衢前人壘磚爲橋以便往來今旣圯則一溪所隔
民皆病涉乘輿濟人嗷嗷之惠不足尙也思謀所以
興復之適鄉紳里民等具牒來呈乞予捐廉爲倡且
念予之勞勩謂是區區者願分効其力以待予攷其
成予從所請爰捐廉俸拾兩度橋之費須中人十家
之產併命士民各殫乃力善乃謀集腋成裘以無負
予望衆亦欣然領命募錢三百緡思曩者陶磚質脆
年久易泐乃徵匠採取堅石庶經久遠興役於八月
十三日迄十一月而告成予爲覈其計簿出入無訛
而攷厥規制則侈於其舊翼如曠如任者輦者徒者

分宜縣志

卷一

地理 津梁

十四

御者皆如履康莊而馳坦道焉民咸曰休哉賢侯之
德百世之利也是不可無以誌之復懇爲記勒諸貞
珉以垂不朽夫予則何敢德抑予樂士民之雅體吾
意而勇於從義也視橋之成知義學諸要務亦當如
斯橋之踴躍葺事庶化被於邑歌載於道君子小人
咸蒙休無窮因卽斯橋而臚其經費且列其首事及
助修芳名備刊於碑垂諸永永以獎以勸俾皆知所
觀感而興起焉是爲記

春暉橋在邑西二十里昌峽其地水陸要衝灘高水駛
取道者必於是問渡焉從前置官渡稍遇大風時有

傾覆乾隆丙午十月曾覆溺百餘人遠近驚駭邑紳等十數人念必造浮橋始就平坦因思工費浩大非衆擎不舉維時張申祿趙若昂袁定彬歐陽懽袁范金袁際肇張友樑李日發盧飛熊各赴鄉勸輸袁涵元鄒方漢張申禧呂振耀朱定春吳必逢鄧應魁劉大文張友梓郭人驊經理一切並先期詣城隍廟焚香以誓於丁未秋起工閱四月告竣而行者如履坦途矣閱年忽遭大水船隻漂沒殆盡經始諸人各出重貲重行修造以舊所餘項買田贖橋定爲三班管理每春分受代擇班中殷實之人立契交衆收執以

分宜縣志

卷一

地理 津梁

十五

防虧短之弊并杜一切派輸饋遺或遇瀑漲漂流船隻則尅期起造歷今二十餘年現置田租八百有奇蓋惟董事者無私心用克至此所期世守斯議庶橋永不廢云 當工竣後越二載乾隆五十四年三月十二日兩江總督書麟題名額曰袁江鎖鑰并批據請昌峽橋名匾額另檄發至該紳士等捐貲倡建利濟行人洵爲好義可嘉但既不願請獎亦屬善恐人知之意自應免其造冊報銷仰江西布政司轉飭該府縣遵照勿任滋擾可也

知府張朝樂昌山春暉橋碑記

分宜之西二十里曰昌峽水陸津要當楚蜀滇黔孔道山峭水激灘石崢嶸舟行者類切戒心舊有廟祀閱城君宋代賜額孝通香火至今弗替每歲時村氓走集與過客輪蹄絡繹填委津渡至日不暇徃歲乾隆丁亥前大學士長白高公總制兩江時閱邊來觀親謁祀廟致禮發橐金飭縣興修恭上聯額爲民祈福並諭茲地險要宜爲橋以利徃來事艱創舉弗果奉行閱丙午十月渡罹風濤之厄邑人士追頌仁言議興浮橋羣情響應鳩工庀材始事於丁未之秋凡四閱月而工竣時余奉

簡命來牧是邦下車而橋適成爲之嘉歎不置顧以工屬捐造例得計貲核獎在事者避弗肯與而檄催冊報案牘滋紛用是工雖訖而事多未竟橋名亦斷斷未有定也歲三月恭逢兩江制憲書公旌節重臨邑人士列情環籲以題橋爲請公爲前憲高公晉喆嗣感先澤之遺愛溫諭有加飭免橋工冊報之累崇獻祠額柱聯而題其橋曰春暉額以袁江鎖鑰公蓋不自以爲功而一歸之神繹其名義見教思之無窮焉邑人士咸沐憲德罔不歡忻鼓舞以卽事凡爲橋謀諸久遠者區畫規制益備以周綽楔有閱焜耀江干上

下新舊諸橋殆莫並焉礮石建亭欲得文以誌不朽
余惟山川之有險要無古今一也維閱城君廟食茲
土上下千年舊傳宋元間曾有浮橋迹已荒邈難問
今忽成諸轉盼是惟爾邑人士生長

盛世得以休養之餘勸義趨功用屹茲偉績天下事廢
興墜舉固自有時哉抑惟有前後大憲堂構繼美勤
宣

朝廷德意歛福錫民而茲舉乃會逢其適以迄用有成
其亦有莫之爲而爲之者在耶然則翹瞻題額仰神
道設教之旨無非本

分宜縣志

卷一

地理 津梁

十七

聖天子孝治天下之盛心從此化日熙恬人人篤桑梓恭
敬之誼則橋之永永無極可知也又豈僅唵誦亨衢
地增勝概侈一時之盛美云爾哉余膺茲守土嘉與
邑人士相慶有成而尤願來者之繹思於無斁也于
是乎書

邑紳林有席新建昌峽浮橋記

昌峽自宋以前屬宜春宋初分其東境十鄉置分宜
縣治峽距治上游二十里爲分宜西境峽石橫江水
激石怒江漲往往破舟唐時宜春令盧公萼立龍母
神以鎮之卽閱城君廟也閱本作悅盧公肇記因音

同而訛峽下有古渡值瀏大湍急舟渡遭覆溺相傳
宋曾立浮橋於此蓋楚吳水陸之衝而尤險者矣近
來峽渡屢以覆溺聞邑中好義者本惻隱之心倡浮
梁之舉一時四境響應爭先輸金恐後相度南北江
岸彷彿得宋時舊址諏吉興工聯小筏凡三十有六
益以欄柵面攤以板夾鐵鍊下鐵錨額石坊磬石爲
隄岸旣慎始圖終復慎終如始邑侯黃公嘉予而主
張之不以一役中梗遂落其成署郡侯懷公新郡侯
張公先後據縣詳申諸大府又以捐辦聽自便請免
造報至再三例格不輕許可會制府書公閱邊按臨

分宜縣志

卷一

地理 津梁

十八

投呈公顓俯允所請手書春暉橋題其柱方公經此
正春三月晴暉和煦時也易旣未濟卦坎水離火水
火相交足爲用不交卽不足爲用然未濟第五爻以
文明而居中應剛君子之光有孚而吉而象辭釋之
以暉吉則光散而文明用不徒在利涉大川者况春
日之暉昭明有融陽和所敷布行旅之出於其塗無
不遊光天而噓和風其暉吉之足爲用更何如顧山
水含暉以娛人遊子憺而忘歸視遊子念慈母而思
報春暉固有間矣公題浮梁及此示遊子以寸草當
報其足用又復何如然則經斯橋味斯題可不繹斯

義而共鑒公孝思不匱永錫爾類之深衷也歟峽立
龍母祠宋易名孝通以龍之能孝其母也物之有挾
氣而靈者莫如龍龍之變化莫測宜不可方物區區
孝其母之心且無以異於人若盧氏所書龍母事非
怪誕不稽是乃庸德之行平常之理耳公或感孝通
祠有觸於孟郊遊子吟一詩則卽以所題爲教孝可
孝者所以事君移孝以作忠并以爲教忠亦可凡我
邑人思公本取人爲善之實大與人爲善之公恍然
有悟於教忠教孝所題義蘊之無窮益不禁爲茲橋
慶遭逢之非偶然云

分宜縣志

卷一

地理 津梁

十九

邑紳張曰榜昌山行云白浪滔滔寒江流傷山傷人
人同愁陰風蕭瑟吹冷月鬼哭荒洲聲啾啾怪石攖
人恐難渡閱城君來降鑾輅仰望慈悲救衆生估客
庶幾無驚怖星使北來高中堂青簾白舫達鈐陽道
經昌峽採風俗聽話往事心焉傷苦縣縱非膏腴地
何至無人建輿梁自嘆宦遊歷年久乘槎適過七峯
口孝通廟裡蕪瓣香并製楹聯贊神后沿江恩澤思
長流欲造浮梁垂厥後中堂高義邁古今感動邑人
行善心急公好義爭踴躍慷慨共輸千黃金經營半
載告成功造舟爲梁浮水中行人不興望洋嘆躡屩

擔簦兩岸通此間天塹通孔道經過官舫知多少制
府又來巡豫章最愛袁江風景好袁江風景誠如何
長橋橫空卧綠波石柱森立鎮龍子鐵練綿延鎖蛟
鼉停橈爲詢諸父老誰倡義舉此橋造父老具述中
堂言更復歡欣指廟門廟門高卓凌雲筆猶是中堂
手澤存制府聞罷長嘆息往事吾亦頗記憶遂呼輿
卒駕輕車肅然起敬廟門入廟貌氣象何崢嶸龍母
顏色儼如生仰視先公留故蹟大筆照耀懸彩楹江
樓屹屹別有天敞開軒窻納江烟制府閒倚闌干立
俯見長虹亘巨川上通楚蜀下越吳前者已去後者

分宜縣志

卷一

地理 津梁

二十

呼輿馬喧闐無病涉斯橋之利自昔無感念邑人結
搆勞大川利濟免傷忉特錫相如題柱字春暉之名
千載標休哉父子聲名著鈐岡世德作求有遺芳迄
今盲祀獻羔酒月耀金橋烟鎖柳澄江如練復如銀
遊客瞻矚頻搔首中堂有子能肯堂袁江鎖鑰同不
朽

福壽橋在邑北門內元至順間建甃石堅好

清源橋卽清源古渡宋淳熙間始爲浮橋嘉定癸未知

府王棟捐貲新之縣令劉敏文董工中憲大夫

張嗣古記

張嗣古清源橋記云分宜之谿故未有橋淳熙間主

簿劉孟容請於漕使劉公穎趙公善俊始爲浮梁以便往來蓋民不病涉者三紀歷歲滋久朽蠹罅漏往往而有州若縣間庀役繕治率襲陋循圯尋葺尋壞板腐窄斷行者懼焉嘉定辛巳冬司農少卿王侯棟被命典州條教甫頒諏訪民病或有以橋敝告銳欲撤舊而新之會灾荒之餘財窘於用未遑也越明年政通人和撙節浮費帑廩有餘積乃捐錢六十萬有奇鳩工度材屬邑大夫劉君敏文眡其役經始於癸未之季春三閱月乃克底於成爲舟凡二十艘貫以鐵繩翼以欄楯規模宏壯丹黝輝霍如鰲負山如虹

分宜縣志

卷一

地理 津梁

二十一

跨空負者輓者趨者走者如騁六轡於康莊之中昔之兢慄化爲驩躍初郡守黃侯邵歲以錢二十萬誘邑丞儲之以待興葺未幾丞以歸之州繕修無所取費侯於是役不以暫新爲僅足又斥公費之贏二百餘萬買民田若干畝委錄事歲督其租遇有撓敗則邑聞於州量役給費於是橋之利庶足以傳不朽因屬余記之夫事物之在天下未有久而無敝者敝則又改爲之理也然天下之敝接於耳目者易見伏於幽隱者難知士君子苟有爲民父母之誠心則必能周思曲慮於其難知者亦將開塞闔闢以永厥利心

不在焉易察如一橋且忽焉而不遐問况望圖其所難知者乎侯之爲是州也勤恤民隱摻抉吏姦勸懲懇懇惟恐弗至斯民鼓舞陰賜蓋有由之而不知者一橋梁之建置特共因事著見於侯何有哉雖然因其著以探其微按其迹以求其心卽其耳目之所接以窮其幽隱之所伏充其一時之已行以圖其百世之無窮後之人皆於此乎攷是不可以無述也乃書以遺邑之人使鑱之石

萬年橋在清源古渡之東明嘉靖三十五年邑紳少師嚴嵩出賜金萬餘兩採石吳州與邑西楊江創建醜

分宜縣志

卷一

地理 津梁

二十二

水十一道長一百二十丈廣二丈四尺翼以石欄如其長之數自爲記建延福道院於橋南祀眞武以鎮

橋別有記

詳寺觀志

順治十三年嵩曾孫參將雲從重建

碑亭乾隆七年橋東首石欄傾侈介橋嚴氏合族

繕修

萬年橋記

嚴 嵩

分宜邑治前瞰秀江源發於楚萍至此渟瀦而邑之西東限以兩山東以巨峽每春夏之間水瀑溢洶湧往來者以涉爲病迤東數十步有清源古渡路當要衝有司濟以二艇間斂富民斥官帑比舟加板聯爲浮橋以通濟之然水稍泛激橋復斷病涉猶故而一

造費數百金越四三年輒壞居民行旅盼江漲而迴
轍迫則縱舟橫奔而渡頻罹覆溺頃歲子侍郎世蕃
以事歸嘗兩捐金造舟與橋民頗稱惠然邑父老謂
必造石橋庶可永久而費則鉅萬合詞詣蕃以告復
致書京師以告於予曰公爲宰執當爲斯邑建千古
長計予私自念屢歲荷蒙皇上賜金雖嘗捐造宜春
二橋而此舉猶不可已父老言良是迺興石橋之役
始度地相址議者爭論東西弗決有指今處者曰盍
在斯迺櫃水畚土探其底則下有巨石橫亘其平如
砥遂加石立墩稍移之東西則深溪浮沙邈無涯涘

分宜縣志

卷一

地理 津梁

二十三

信異哉若天設地藏焉先是予往來吳中閱橋而美
於是徵匠買石於吳州運山伐石載以巨艦滂江人
湖至於樟鎮灘水淺涸易數百小舟乃獲抵於分宜
而石猶不敷將往吳復買之一日鄉氓來告邑西楊
江之岨有石盍採諸往穴數處果獲石堅大豐盈用
遂以足旣謀合材集制定工興醞水爲道凡十一空
其長一千二百尺有奇廣二十四尺翼以兩欄如其
長之數計用白金爲兩萬餘縣令許侯從龍出力經
畫侯吳人也故計處甚習以被召去通府曾君大用
來署邑嗣理之尋以他務去典史周承源耆民張澮

王治隆張梧專董其役郡守張公任節推蘇君景和
時程督勸勞有加巡撫中丞前可泉蔡公繼鍾陽馬
公巡按侍御五台徐公行部至皆親枉臨視申勅羣
吏罔敢弗共經始於嘉靖丙辰秋九月訖工於戊午
夏六月行者嘻嘻獲履坦途易危以安罔不稱便夫
自有天地則有此山川歷今凡千百載橋渡之建古
今人非不欲創構之也悉阻於時力而有所不能予
始者惴惴然以難成爲懼旣而禱於山川以徼神明
之祐又賴諸賢大夫之力皆克有成噫亦難矣父老
以書來謝曰是爲萬人之緣萬年之利也吾儕敢不

分宜縣志

卷一

地理 津梁

二十四

德公之賜予曰非也吾非歷仕之久叨錫與之隆其
曷能焉此吾君之賜也自古人臣受君之賜則作爲
銘識以示弗忘江漢之詩曰作召公考天子萬壽盍
名斯橋曰萬年橋以無忘聖天子之恩以仰祝萬壽
與天地相爲無窮焉此吾之志也遂勒石以記

初至萬年橋

胡壽先

萬年橋畔歇笙歌橋下風輕水不波霧霽千僊騎石
豹沙明一練帶銀河山城日晚寒光薄古寺鐘稀帆
影過爲道昔年興廢事滄江是處滿烟蘿

諳田橋在邑東十里里人簡同甫修乾隆三十年里人

重修

白芒橋在邑東十五里

儒林橋 收谿橋 敖家橋

上三橋俱在邑東二十里儒林鄉

萬松橋在邑東萬溪里人吳起潛捐修

水川橋在邑東二十五里儒林鄉

報德橋在邑東三十里儒林鄉界連新喻乾隆四十一年里人重修

年里人重修

羊頭橋 同心橋 南木橋 南橋

上四橋俱在邑東三十里儒林鄉

分宜縣志

卷一

地理 津梁

二十五

磨腦橋在邑南三里

邑副舉袁壽齡行磨腦橋至五里橋云行行磨腦橋青

山開一孔執蓋背日走羣峰隨我動天小地愈窄行

人如鑽空來踪去路無一水類斷港居民爲曲防重

重木石壅水怒日夜號驟來聞之恐兩山本一山脈

絡相統總想因溪水衝山根各旋踵岡巒如青繭裹

我作獨蛹窄徑穿懸崖趨趨敢逞勇雨汗濕衣衫頓

覺一身重遙望五里橋一笑如出籠

仁政橋在邑南五里

蕭家橋在邑南十五里白芒一品夫人嚴歐陽氏建

天成橋在邑南十五里白芒

大觀橋在邑南二十里行山

大江橋在邑南二十五里東坪村

大觀橋 錫齡橋

上二橋俱在邑南二十五里院坑船坵墩

大豫橋在邑南二十五里下鎖筒裡

際會橋

增齡橋

大有橋

上三橋俱在邑南二十五里院坑

分宜縣志

卷一

地理 津梁

二十六

神龍橋在邑南二十五里蘆下

三官殿橋在邑南二十五里嚴塘

萬福橋在邑南廿五里馬墩陂之上

萬福橋記

鈐南廿五里有馬墩陂其地上通楚蜀下連吳粵凡遠近往來行人皆由於此實邑南之要路也舊有橋名永濟興於前明嘉靖中迄今三百餘年頽毀日甚車輿步騎多顛覆墜溺之患頃嘗架木爲濟然春夏間兩水暴溢溪漲時發屢架屢壞病涉猶故行者苦之僉以爲非復石橋之建不足以捍其患也於是溯

水而上至鳳山之麓探其底則下有巨石橫亘如立墩然遂相其宜而創造之迺徵匠瀏陽定制興工經始於嘉慶十七年十月告成於十八年十二月其長六丈六尺高二丈二尺濶一丈四尺凡費白金以千餘計夫事之足垂久遠者必有謀爲度量之苦樂成則易圖始則難義舉共勦必資良緣於善士狐裘可集端藉饒舌於眾擎今斯橋之建修也亦大勞勩矣行旅往還昔憂顛溺今履平易雖曰一邑其利濟之功誠溥哉是爲萬世之利萬年之福也謹勒碑爲記曰萬福橋云

分宜縣志

卷一

地理 津梁

二十七

永濟橋在邑南二十五里馬墩陂明一品夫人嚴歐陽氏建潦水衝激屢修屢圯道光三十年里人吳伯壘於舊址上數十武倡首捐貲重修

逢吉橋在邑南二十五里石腦上

廣濟橋在邑南二十五里礮源村

福緣橋在邑南三十里田心龍頭江

逢春橋在邑南三十里龍頭江

三元橋在邑南三十里檀溪

南山橋在邑南三十里下坊

鎮遠橋在邑南三十里下市

仁壽橋在邑南三十里陂下

崇福橋在邑南三十里北溪

壽南橋

普福橋

上二橋俱在邑南三十里

崩江橋

嘉惠橋俗名重田

上二橋俱在邑南三十五里

廣功橋在邑南三十里洽水村

通德橋在邑南三十五里山泗村

分宜縣志

卷一

地理 津梁

二十八

四達橋在邑南四十里岡下村

龍港橋一名廣德

通濟橋舊名登龍橋又改登雲橋在邑南招賢鄉親澤

村

佩印橋

廣勝橋

上二橋俱在邑南三十五里

普惠橋在邑南三十五里

鍾靈橋

毛家橋

迎龍橋

易家橋

上四橋在邑南四十里

廣德橋在邑南三十五里

登雲橋在邑南四十里

廣福橋

登瀛橋在邑南大清里歐陽元常游其上

明周述詩云橋邊鴈語初橋下江聲咽露滴碧荷秋
吟殘半天月

袁廷瞻詩云綠樹陰陰覆曲欄玉虹垂影落江干過

分宜縣志

卷一

地理 津梁

二十九

江只恐分秋色幾度吟成又復還

趙濟詩云學士歸來志未休虹橋高架步瀛洲水從
碧玉環中度人向蒼龍背上遊鷗鳥忘機隨旦暮魚
龍變化自春秋只今訪古成豪興好似相如寫柱頭
星拱橋在邑南大清里泉江山文昌閣下汶江水合流
出口處

三星橋在邑南大清里忠節祠前楊氏建

桃源廣濟橋在邑南四十五里

石溪橋在邑南大清里昔有隱者垂釣於此

廣濟橋

普渡橋

上二橋在邑南五十里

廣濟橋長五丈濶一丈零在邑南五十里下陂

右有橋在邑南五十五里山田係康受熹修

百祿橋在邑南五十六里長埠

同福橋在南五十五里同江口

泗母橋在邑南五十七里

映秀橋在邑南六十里嚴株

福星橋在邑南四十五里

雙源橋一名龍環橋在邑南四十五里雙溪

分宜縣志

卷一

地理 津梁

三十

龍環橋記

劉斯組

龍環橋者李氏左鍵水口橋也李氏世居雙溪溪流交縈如帶前志載雙澗流泉居八景之一卽此地也舊有石橋明成化間進士李載章公所造厥後李祖母袁氏重修歲久就圯架木易之殊不踵前蹟迄康熙癸未百數十年虞菴公爲令致書歸謀於姪明經蒼掄公志復乃祖之舊將輦石以修此橋形家謂橋竄左脇水兢兢醜石間近而逼於地脈非宜疑失其故址下十丈許旣束水且舒襟也乃全善二公深以爲然時商於族人道謀不果爲遷延至今廿餘年矣

余鐸鈐之明年文學李世丹虞菴公孫也偕姪郡廩
魚化魚佩等識沉而善斷明形家之言不惑衆論毅
然主從下之謀卜吉於本年七夕前二日鳩工伐石
重陽後五日掘土定址甫掘五尺得石脚隱然若天
造地設或卽載章公舊造蹟也用是橋乃成凡六閱
月云是役也計費百餘金盡出本支龍臺定寰兩公
祠今以名橋志不忘也兼有取於二龍迴環水鍵而
山亦鍵之形焉抑余更有說環圓象也以命橋義合
於辟雍龍水族之靈者魚八十一鱗而丹額者得從
以化昔因有佩紫金魚袋之制李氏族望號龍門今

分宜縣志

卷一

地理 津梁

三十一

用以名橋余知其兆應之矣爰立石以徵予言是爲
記

步雲橋在邑南泗海

湖頸橋在邑南四十五里

種德橋在邑北化全鄉介溪之東舊無橋里人贈少傅
嚴淮建名下介橋子大學士嵩易今名有橋銘

序云介溪之水縈折而東二里經唐家村行旅往來
出於其塗舊有橋名下介橋歲久圯涉者病焉宏治
戊申先少傅仰雲府君捐貲建造至今利之府君志
行超美食貧而嗜義橋在今勅葬棗林祖塋之南百

步嘉靖丙午命蕃以工力之贏重加修治橋以增勝
因憶橋建時有塾師教先生語嵩曰此尊君之種德
也時嵩甫九齡重其言今取以名橋勒石路隅庸識
先德銘曰
士苟世用澤利生人嗟哉遺佚抱志靡伸隨力所及
仗義求仁施不言功植行冥冥靈臺一點可質穹旻
天道福善不在其身貽我後人百世其振

國朝康熙十年辛亥庠生嚴雲會重修

石山橋在鍾德橋西跨介溪上亦名介橋

板橋在邑北宣揚里臺山下

分宜縣志

卷一

地理 津梁

三十二

鳳陽橋在邑北三十五里

水崖橋在邑北四十里佈頭境

桑林橋在邑北六十里彰善鄉里人募貲重修

狀元橋在邑北五十里文標鄉唐盧肇及第過此因名

水浦橋在邑北文標鄉觀光唐盧肇建久圯乾隆四十

年邑令林邦珖倡率里人鍾秉正鍾汪鍾瀑等會族

捐貲重修

歷義橋在邑北文標鄉藻耀里乾隆元年觀光鍾某募
修

盧州橋亦在觀光里乾隆戊辰年鍾氏重修

翔龍橋在邑北六十里楊橋東樓霞境乾隆十一年武舉黃宣中廩生黃廷瑾等募捐鼎建歲戊辰有龍見於江旋繞橋畔一村聚觀因名翔龍

齊召南翔龍橋記云江西鈐之北偏號曰楊橋其地兩水夾流一發源於北而斜抱於右遂於橋分東西焉橋之東一水由東而西紆徐迴環襟帶於黃氏家廟之南不數百武而兩水合流與大江通則又有橋以便往來舊亦號楊橋而以小別之蓋稱名不欲其混非橋有大小也往年架木爲之人亦利涉然春水暴漲漂流而不可救後更以石而結構不固遂不數

分宜縣志

卷一

地理 津梁

三十三

年而圯今

上御極之十年黃氏二三同志興廢舉墜相地勢而改造焉自經始以迄告竣凡四易寒暑而橋始成爲長十有四丈高二丈二尺用石萬有餘口用銀二千兩有奇雖求善士而結良緣端賴衆擎而憑饒口以勸義舉亦大勞勩矣夫橋梁道路皆三代王政之先務而周官尤謹誌之以爲民利今黃氏之成斯橋也不辭集腋爲裘之勞不憚經營創造之苦使人不病涉車無曳輪其有利於遠近往來之人豈淺鮮哉黃生汝亮予門下士也戊辰捷南宮適斯橋落成之歲嘗

於京邸夢里中龍飛是日果祥雲旋轉雲內吐煙如帶直下江中江水飛沫騰波盤旋奔馳上與雲應由江而橋回翔橋上移時而滅說者以爲龍翔也蓋與黃生所夢相合斯亦奇矣余謂人事主而天休至理固不謬今橋成而瑞應足以知斯橋之爲功於世大矣誠當因事誌實垂之不朽爰捉筆爲之記且錫以名曰翔龍橋云

洄瀾橋在邑西北六十里樓霞邨計五空長十二丈濶一丈二尺嘉慶十九年甲戌本里黃應合族鼎建

觀瀾橋在邑北七十里建陂雍正十年里民黃鼎高等

分宜縣志

卷一

地理 津梁

三十四

募建

滑石橋

磁橋

上二橋俱在邑北七十里泉坵

兩江橋在邑北七十里夏塘境

石板橋在邑北七十里瓦子陂上

項家橋

望風橋

荷塘橋

上三橋俱在邑北七十里旌儒鄉

坪湖橋在石柳陂上

新陂橋在新陂境

衡陂橋

南山橋

鎮江橋

小江邊原係架木屢冲圮道光十五年倡建石橋

雙井橋

道光九年本境黃燃二專修

上樂橋

花橋

老橋

新橋

四橋在塘西境內

上十橋俱在邑北八十里旌儒鄉

柏木橋在邑北八十里醴溪境

柏樹橋塔前橋俱在邑北八十里弓江境

雲路橋

橫舟橋

鴨子橋

分宜縣志

卷一

地理 津梁

上三橋俱在邑北八十里桃源里

滙源橋在桃源里石口水合流處

獅子橋在石口

火田橋在滙源橋下

梓朋橋在邑北八十里龍塘境

福主橋在邑北八十里暮霞

義公橋在邑北陳雷里里人黃義山建因名

石陂橋在邑西十五里

五里碑橋在邑西十五里

合山橋在邑西三十五里

社屋橋在邑西三十五里

永平橋在邑西四十里彰善鄉

楊橋在邑西北六十里順治辛丑水衝修復嘉慶壬申
首空圯旋修旋塌架木以濟嗣五空皆圯乙亥年本
里紳耆募捐重建邑侯黃步堂記云

邑西北六十里有楊橋村省會驛傳之達於郡縣者
分道於是而瑞州萬載之以負販至及適湘湖往吉
臨者皆取道焉予莅任鈐陽六載經此者蓋十數次
一水從東北來遶村迤邐而出架石橋以濟號曰楊
橋按通志載分宜水利謂楊赤水發源南山江於文

分宜縣志

卷一

地理 津梁

三十六

標鄉匯成大溪又西流數十里至洋江市始合秀水
過縣治以達章江楊橋正當西流數十里之中村蓋
以橋得名而橋之所以名者其以楊赤水故也橋高
二丈餘濶一丈五尺長十六丈有奇分爲五空不知
建於何代詢之里人僅傳順治間曾一修理而已壬
申春溪水暴漲首空傾圯里人捐貲葺補未逾年圯
塌尤倍暫時架以木柵行者危之二年來予每過必
召集里人告以及時修葺之道而僉以舊橋歷世久
遠勢皆就頽必從新重建非數千金不能蕝事故卒
無成議客秋七月本鄉紳士黃汝達等慨然以倡建

爲已任持捐簿以告予予爲之引以勸不數月輸金雲集遂鳩工採石盡撤其舊而新之其下石脚天成坦平如砥前人之建橋於此良不爽也橋之高長與濶與舊橋等凡用白金二千餘兩八閱月而告竣夫橋梁陂澤之事雖僅僅爲數村數里之利聞其成猶且悠揚而贊嘆之况斯橋也固不僅爲一邑之要津已哉爰書其緣起而爲之記

新安橋在邑西挺秀鄉去琴山十里久圯乾隆二十二年郡守陳廷枚飭里民募貲修建

萬福橋在邑西五十里眷山本里黃承恩募建

分宜縣志

卷一

地理 津梁

三十七

清源古渡在邑南門外舊有浮橋後萬年橋成遂廢

邑選貢袁汝璧清源渡云山護層城水護陂夕陽斜照酒帘移行人莫漫爭溪渡堤上春風欲暮時

野江渡在邑西門外

橋下渡在邑西五里

洞口渡在邑西十里

張家渡在邑西十五里

李家渡在邑西二十里

昌山渡在邑西二十里詣府孔道行旅旁午宋元渡以浮橋頻圯後縣制船一艘歲設渡夫二人以濟水湍

急舟常敝有司時造新舟易之明推官徐桂署縣增
置一舟今已建浮橋另具舟候漲備濟

江斜渡在邑西三十里

盧塘渡在邑西三十五里

瓜塘渡在邑西五十里

楊江渡在邑西六十里

諳田渡在邑東鍾山里乾隆二十一年宋素侯等倡修

捐費置田十畝一旱田上田南伍分一坵下田南三畝一坵田星下二畝三坵榨前

伍分一坵一晚田屋三間

澣頭渡在邑東十五里

分宜縣志

卷一 地理 津梁

袁家渡在邑東二十里

眷山渡在邑西五十里今建石橋

紐村渡在邑西五十里首土樂輸生息置買田畝歲時修驗

步口橋在邑西五十里原兩岸壘石架木大水屢冲屢毀道光十年袁雅正堂捐建石

橋

永惠橋在邑南四十五里道光十六年邑紳彭暄倡建

資福橋在邑南漳溪同治六年里紳彭啟昆建

滙源橋在邑南四十五里礮溪

震澤石橋在邑南四十里防溪

敦仁橋在邑南四十五里礮溪

同人橋在邑西六十里洋江邑令汪正準記云

周制歲十一月徒杠成十二月輿梁成竊歎古聖王廣行仁政慮民之病涉也特於橋梁三致意焉茲者分宜縣西鄉有洋江市邑人靠江而居岸濶如望洋然因以爲名其地爲湖湘吉臨之所取道其水則宜之北鈐之西北支流俱滙於此是雖一隅僻處實爲衝要之區按通志載分宜水利謂楊赤水發源南山江楊橋在其中西流數十里至洋江市始合秀水過縣治以達章江歷今千百載僅有渡船往往山水暴漲多艱於涉行者苦之詩云招招舟子人涉卬否其

分宜縣志

卷一

地理 津梁

三十九

斯之謂歟舊傳前明嚴介溪相國曾立墩興工欲建橋於此不果後遂未有繼者然縣城東門外有萬歲橋用費鉅萬壯麗甲於江省爲嚴相國所獨建獨於洋江橋有志未成其亦有幸不幸歟今咸豐乙卯春有居人劉祥七貧而好善目擊行旅艱涉心甚憫之徧走請同志諸君子在洋江市側議建石橋諸君子仁心爲質咸樂是舉也而相與共贊其成遂於市傍設局焉構材鳩工經營不怠創建於乙卯七月越丙辰十月而始落成計高約二丈餘濶一丈五尺長貳拾丈有奇分爲三空用費五六千金是橋之成也

適值時勢多艱年月持久實賴眾善士之共解囊橐
諸君子之不避艱辛而推究本源皆啟於劉叟惻隱
之一念故一舉而數善備焉余乙卯仲秋承乏斯邑
莅任未久疊遭寇災丙辰孟冬幸得克復回任因公
過洋江市恰逢落成晤諸君子於橋局覩斯善舉爲
嘉歎久之而鍾生成勳等遂以建橋節略相示懇爲
之記辭不獲已略就原文稍加潤色雖知無鹽刻畫
未免唐突西施第當大工告成余得附名於諸君子
之末爲幸實多又橋顏之曰同人取善與人同之義
諸君子值此時艱同心共濟無愧斯稱且令來往是

分宜縣志

卷一

地理 津梁

四十

橋者彌切古聖王利涉之感而知斯橋之成爲不易
也記成謹付工勒石以垂不朽

普濟橋在邑西六十里石陂同治丙寅年新建四墩三
空計高二丈六尺闊二丈長十三丈四尺用費三千
餘金均係近鄉樂助

河梁橋在邑北午橋村上建彩虹亭外有官陂游魚洲
上建迴龍寺魚洲書院並水口祠

萬福橋在邑南十五里治元 永安橋在邑南六里

廣濟橋在邑南八里石陂

有懷橋在邑南三里

古蹟

漢陳重故居在縣北八十里旌儒鄉陳雷里後為聖因寺又改為鷄足寺今廢

邑選貢袁汝璧過墓云友道淪千載衣冠葬此阿藤花封石罅橘刺蔓秋蘿寂寞雞山宇蒼涼牧豎歌幽堂同駐馬懷古幾經過

袁閎隱居在邑西北十里化全鄉袁嶺下東漢陳蕃薦袁閎可登三事安車徵之及黨禍作閎築室隱居其下通志

唐盧肇故居在縣北六十里文標鄉觀光里原有綠毛

分宜縣志

卷一

地理 古蹟

一

龜池今湮

羅隱讀書堂在儒林鄉文苑里

詳書院志

貴山鐵務宋雍熙元年置後廢

嘉靖府志

居敬堂在縣治左宋淳祐間知縣李宏規建

通志

鐘峽石壁篆文在邑東鐘峽左岸巨石矗立平豎如壁篆字四行不可標識舊傳張仙人指畫旁構一亭康

熙六年丁未古歛洪琇洪玟鼎建乾隆十年乙丑里人重修

明大學士劉仲質宅在縣北五里神龍鄉西磯岡演武

場側

邑選貢袁汝璧過故宅詩云荒墟香靄接山城儒術曾
徵老伏生聖主特修周制度校官得備漢公卿調饑
應怪讀書誤綰綬都蒙稽古榮零落百年青史在爭
知有路到蓬瀛

太常黃子澄故居在縣南豐樂鄉九都澧源下團

前志

勅架樓在縣城學宮側邑紳少師嚴嵩立

都憲鍾炆宅在府城宜春臺下規制宏敞今袁臨協鎮
府卽其舊址

占星閣在縣西門外侍郎張承詔建閣有侍郎瞻岵匾
額張世竣登閣詩云岵岵瞻無極其如逝者何飛鷗

分宜縣志

卷一

地理 古蹟

二

時往復宿柳自森羅返照孤帆影迴風遠岸波亂流
依野渡回首起長歌

胡壽先登占星閣詩云崢嶸名閣倚天邊極目層霄斗
柄懸西望青山來楚道東流白水下吳川晴雲到榻
留還去帆影移窻斷復連爲念蘇公遺世後亭前春
草尙芊芊

選貢袁汝璧登占星閣云占星樓閣俯沙堤指點蒼茫
日又西休話斷垣殘草事曲江深處鷓鴣啼
雙清亭在縣南五十里豐樂鄉大清里

盤箕石在邑南防里小石森立上覆一巨石瑩滑方平

古篆十餘行莫能識辨相傳其下皆金銀明時有童子採樵此間恍惚覩樓臺數重一婢炊黍廊下見童子以食導入小園奇花高丈許大如盃盂數美人被服纖麗宴花間婢呼童使跪復引出既歸告家人往視則平蕪蒼綠山鳥飛啼而已

海螺石在防里紫雲山巔每春夏之交雷雨昏黑居人遙見此石如巨鏡開函金光騰灼數丈雲氣週遶之踰時方滅

玉女丹石在邑南石鎮玉虛觀下苔蘚剝蝕中篆迹可辨相傳古玉女煉丹飛昇處

分宜縣志

卷一

地理 古蹟

三

化生池在防里洞靈觀側周真人騎驢飛昇處明都御史伍令未遇時傭書其中有歐陽三峰晚釣此池見而大悅之館於家數年辭去三峰後以衛經歷運餉大軍獲重譴會伍爲督帥得釋厚贈之俾告病歸今歐陽褒封祠記卽伍作也

冰雪相看亭在縣東門外虞集有詩並序 今缺
硯石池在縣東十里唐盧肇讀書臺

楊師游盧公讀書堂記

距分邑東南十里有山曰讀書堂者以盧子發嘗肄業於此而名之也公諱肇昔屬宜春今隸分宜之文

標鄉生而好學嶄然自見幼時宜春令盧公萼一見
卽以異曰有聞許之唐會昌三年以詞賦魁天下李
衛公嘆爲金榜得人厥後獻海潮賦詔褒諭宣付史
館四方之傳誦此文模擬竊取以雄長於詞林者不
可勝紀其後仕至集賢院學士終歙州刺史茲讀書
堂實子發之所肄習其間者也鄧君廷言嘗題咏之
以志景仰之思而公之讀書得名豈係乎堂之存與
不存耶今是山無一楹之宇而高人達士過故址而
想見其爲人則山以公之讀書傳而公之讀書不因
是山之堂而傳也因爲之記而廣斯義以勵後之學

分宜縣志

卷一

地理 古蹟

四

者

白石巖在邑南永清院內有清暉閣方池古松

元歐陽元白石巖詩云道人獨坐白巖阿巖下皚皚白
石多曾到普陀南海岸白華無數擁盤陀清暉閣詩
云巖前高閣扁清暉碧瓦朱甍映翠微老子懸車還
故里倚闌何日看雲飛方池詩云白巖山下俯清池
花有清香水有漪幾度收綸看月上分明水底見摩
尼古松詩云古寺長松倚半空問渠年臘祖師同應
知方外輪囷器多謝清時雨露功

鹽井石在邑南三十里神嶺舊有廟每歲出鹽可供廟

食後僧人盜以售賣遂止

下馬墩在邑南廣教院元虞集訪僧人於此下馬故名
今院內虞集所書匾額猶存

試劍石在邑西昌山水濱約長二丈濶一丈中橫斷如
劈相傳鄧子龍過此試劍

望夫石在邑西昌山下

俗傳有婦望夫化爲石一云太守鄭望夫修堰於此名望夫堰

鎖石在邑南寶雲寺側石壁立其紋橫起如扃鎖狀世
傳此石舊有竅涓流不輟名沈子源有沈道人者結
菴於此一日忽不見視則竅已闔矣

煉丹池在邑南寶慈觀東晉時黃仙姑煉丹於此旁有

分宜縣志

卷一

地理 古蹟

五

淨水碗

明刑部郎中易鸞故居卽今考棚地

婁葛二仙碑在邑西黃花洲官路北凡仕宦過客遊洞
探勝者由此而進

黃金城一名斗形在邑西七里黃花洲官路北舊傳明
太祖微時露宿於此夜夢土神驅鬼工壘土爲城臨
晨起視果周方高聳屹然如城今形跡猶存

墟市

昌山市邑西二十里化全鄉由縣至府水陸通衢

江斜市邑西三十里彰善鄉市臨江干

楊江市邑西六十里挺秀鄉爲邑西北上府通衢小江
漚流入秀江處

十里店市邑北十里

鳳陽橋市邑西北三十里彰善鄉爲西北鄉出縣孔道
楊橋有東西二市邑西北六十里文標鄉橋西市尤稠
密每年七月七日鄉人趨墟大集

洞村市邑東北八十里旌儒鄉

桑林有新舊二墟邑東北六十里彰善鄉乾隆八年建
於橋東二十年改建橋西黃張朋澤勘爲鄉民趨墟
一大聚落苧行商賈走集立有墟長

分宜縣志

卷一

地理 古蹟

六

黃舖市邑東北四十里彰善鄉爲東北鄉出縣孔道
冶源市邑西南十五里

新齒市邑南二十里招賢鄉爲南鄉出縣孔道

新澤市邑南三十里招賢鄉

石鎮市邑南五十里豐樂鄉

藍田市邑北七十五里旌儒鄉

雙圖墟邑北八十里清教鄉與桃源洞相距里許

隴坊市邑北九十里旌儒鄉

坊表

承流宣化坊在縣治前

冬官大夫坊在縣治右明嘉靖間爲參議袁應樞立

崇儒重道坊在儒學前明宏治十年丁巳參議孫儒立

登第坊在儒學東明永樂二十年壬寅爲鄉舉郭儀立

義路坊在學頭門內

育材坊在學門西

興賢坊在學門東

上三坊俱明萬歷二十四年丙申建

進士坊在儒學右明成化八年壬辰爲九都雙源河南

道御史李雲立

應宿坊在縣治東爲山東鄒縣知縣張書立

分宜縣志

卷一

地理 古蹟

七

新民坊在城內傳家巷明永樂七年己丑知縣汪澍立

宜陽駐節坊在安仁驛前

招賢坊在邑東二十五步

義泉坊在邑東九十步清源橋東

紫微坊在邑東九十步爲舉人趙鳴鈐立今廢

善和坊在邑東五十步

折桂坊在邑東百五十步

鳳翔千仞坊在邑東廂明正德八年癸酉爲鄉舉趙鎰

立

特進柱國坊在邑治東大學士嚴嵩立今存

三元坊在邑東百二十步唐狀元盧肇明會元黃子澄
解元易宏器立

盛世人文坊在邑治東明萬歷間知縣周應治以三優
遺址爲國科第改建今廢

進士坊在邑東北儒林鄉收溪明永樂十三年乙未爲
楊淵立今廢

狀元坊

衣錦坊

登瀛坊

上三坊在邑南大清里元至正間知縣趙思順爲歐

分宜縣志

卷一

地理 古蹟

八

陽元立

清門坊在防里歐陽元爲族人書立

登雲坊在招賢鄉六都新齒明永樂十二年甲午爲鄉

舉胡永常謝文立今廢

經筵坊在邑南十都大礮下明崇正間爲鴻臚鳴贊朱

光國建

折桂坊在邑南招賢鄉十都山口鳳林前爲舉人宋觀

立

賓賢坊在招賢鄉折桂坊下

伯祿坊在縣西門內

大師傅坊在東門內

元輔里坊在東門內

上三坊明嘉靖間爲大學士嚴嵩立

永慶坊在邑西四十步

福壽坊在邑西五十步

文武承恩坊在邑西門外爲嚴鴻嚴鵠立

洪陽洞天坊在縣西北袁嶺第七峯

父子科貢坊在邑西箬坑爲都憲李香慶餘立

重恩坊在邑北十五里化全鄉封大僕寺寺丞嚴仲温

子嚴迪聰立

分宜縣志

卷一

地理 古蹟

九

奎煥坊在縣治西側明永樂十四年丙申爲鄉舉袁象賢立

大方伯坊在邑北十五里化全鄉介橋爲嚴孟衡立今存

三傅坊在邑北化全鄉贈少傅嚴璉嚴驥嚴淮立

科貢坊在邑北車田爲鄉舉袁象賢貢士袁瓚袁怡立

今廢

卿雲坊在邑北五里西岡明嘉靖十五年丙申爲編修

彭鳳立今廢

大夫第坊在邑北金塘爲羅諒立

作新坊

承恩坊宣德九年朝議大夫張瑀建在邑西泗水祠首

神道坊

侍郎張承詔爲贈通議大夫張秋芳建在黃土潭虎形吏部尙書劉克勤銘詳藝文徵

世科坊爲鄉舉張材張澄立

衣錦坊在邑西二十五步爲李觀立

百歲坊在邑北六十里圳上乾隆二十四年爲民人黃

湜八妻張氏立

通德邇瀛坊在邑南八都防里嘉慶二十一年歐陽村

心派建

樂善坊在邑西紐村龍管山麓道光十二年爲原任慈

分宜縣志

卷一

地理 古蹟

十

樂分司袁裕琳立

百歲坊在邑南檀溪廟前道光七年爲耆民劉文吉立

雙節坊在城西二里爲生員袁應藿妻趙氏袁應槐妻

黃氏立

節孝坊在邑南豐樂鄉逢塘爲生員楊邦吉妻王氏立

節孝坊在邑西城外官路旁爲民人張致浩妻袁氏立

節孝坊一門連三俱在治西雍正乙卯年爲邑增生張

世竣妻鍾氏立嘉慶癸亥年爲儒童張文瀾妻傅氏

立監生張宗楸妻嚴氏立

節孝坊一在邑南三十里招賢鄉七都鷺溪乾隆元年

丙辰爲生員王昭鏞繼室金氏立

節孝坊一在邑南九都雙源歲貢生李搢繼妻謝氏立
節孝坊一在邑北七十里文標鄉夏塘乾隆五年庚申
爲鍾琳妻曹氏立

節孝坊一在邑北六十里文標鄉樓霞乾隆十年乙丑
爲生員黃紹中妻林氏立

節孝坊一在邑南豐樂鄉防里生員歐陽信妻王氏立
節孝坊一在邑西四十里文標鄉蕭坊乾隆二十八年
癸未爲袁鳴鶯妻丁氏立

分宜縣志

卷一

地理 古蹟

十一

庚寅爲南雄府經歷嚴宗期妻朱氏立

節孝坊一在東門外乾隆三十六年辛卯爲監生趙廷
來妻張氏立

節孝坊一在邑北十五里化全鄉介橋乾隆四十年乙
未爲監生嚴宗堡妻黃氏立

節孝坊一在傅家巷乾隆四十二年丁酉爲傅蒂寵妻
李氏立

節孝坊一在邑北十五里化全鄉介橋乾隆五十一年
丙午爲邑附生嚴秉璋妻裘氏立

節孝坊一在邑北十五里化全鄉介橋嘉慶三年戊午

爲嚴秉璿妻徐氏立

節孝坊一在大北門城內儒童張煜曙之妻薛氏立

節孝坊一在防里嘉慶十一年辛未爲生員楊果材妻

伍氏立

節孝坊一在邑西十里化全鄉王嘉山嘉慶元年丙辰

爲生員夏侯瑜妻吳氏立

節孝坊一在邑西北文標鄉建陂嘉慶二十二年丁丑

爲儒童黃鴻譽妻潘氏立

節孝坊一在新民坊內乾隆五十四年爲儒童宋紹儼

之妻周氏立

分宜縣志

卷一

地理 古蹟

十二

節孝坊一在西門外嘉慶十三年爲儒童袁際德之妻

吳氏立

節孝坊一在邑東門外乾隆二十年乙亥爲趙繼顏妻

張氏立

節孝坊一在邑東鞦岡乾隆五十四年己酉爲邑庠萬

定琳妻胡氏立

節孝坊一在邑西泗下占星閣下爲監生張文沈妻趙

氏立

節孝坊一在邑南石陂嘉慶十八年癸酉爲生員朱起

文妻袁氏立

節孝坊一在邑南大嶺背嘉慶二十一年丙子爲儒童

宋儒璋之妻張氏立

節孝總坊在

聖宮下首總社廟側周圍環以牆其基地係公費契買郭姓之業爲續報節婦壹百陸拾貳名公立

節孝坊一在邑南官庄下爲儒童楊曰鯨妻鄒氏立

節孝坊在邑南官庄下爲儒童彭文紱妻張氏立

節孝坊一在邑南豐樂鄉逢塘忠節祠右爲儒童楊堪

遇妻彭氏立

節孝坊一在邑南官庄下爲儒童吳其祥妻楊氏立

分宜縣志

卷一

地理 古蹟

十三

節孝坊一在邑南雙源橋邊爲李錫宕妻劉氏立

節孝坊一在邑西觀音閣上龍王巷爲儒童張發萃妻

任氏立

節孝坊一在邑西占星閣北道光十年爲儒童張宗松

妻袁氏立

節孝坊一在邑南上田爲生員張宗楫妻蕭氏立

節孝坊一在邑南檀溪爲業儒李運貞妻張氏立

節孝坊一在邑西五十里紐村花壁爲業儒袁宏盛妻

鍾氏立

節孝坊一在邑南官庄下爲郭坊春妻易氏立

節孝坊一在邑西六十里長塘柏樹下爲監生鍾師松妻鄒氏立

節孝坊一在東門外坊下爲儒童趙錫蘋妻鄒氏立

節孝坊一在邑西六十里文標鄉樓霞道光二十五年

乙巳爲生員黃其琮之妻袁氏立

節孝坊一在邑西七十里文標鄉泉坵爲儒童鍾榮杰之妻黃氏立

節孝坊在邑北八十里旌儒鄉塘西爲儒童習世盛之妻袁氏立

分宜縣志

卷一

地理 古蹟

十四

之妻鍾氏立

節孝坊一在東關外坊下爲趙源逢妻甘氏立

節孝坊一在邑西十里旺溪爲生員夏侯璧之妻嚴氏立

節孝坊一在邑西十里餘溪爲生員夏侯緯妻任氏立

節孝坊一在邑西十里餘溪爲儒童夏侯綿妻萬氏立

節孝坊一在邑西十里旺溪爲生員夏侯瑜妻吳氏立

節孝坊一在邑北八十里旌儒鄉洞村涂塘儒童黃開

陽妻鍾氏立

節孝坊一在邑北八十里旌儒鄉洞村涂塘儒童黃裕

崇妻袁氏立

節孝坊一在邑北八十里清教鄉石塘爲儒童鍾音杰之妻劉氏立

節孝坊一在邑北八十里清教鄉石塘爲儒童鍾召基之妻習氏立

節孝坊一在邑北八十里旌儒鄉塘西爲監生習世臣之妻林氏立

節孝坊一在邑南四十五里招賢鄉嚴塘爲儒童吳國正之妻萬氏建

百歲坊在邑北十五里介橋同治八年爲 馳封奉直

分宜縣志

卷一

地理 古蹟

十五

大夫嚴秉濟建

節孝總坊同治九年請 旌建於西城內伯祿坊前之左周圍環以牆計節婦壹百七十一名公立

節孝坊一在邑北八十里旌儒鄉塘西爲貢生習祥輝之妻張氏立

節孝坊一在邑南三十里七都路下爲生員彭大璘之妻嚴氏立

節孝坊一在邑南五十里防里逢塘爲儒童楊堪平之妻伍氏立

節孝坊一在邑南三十里招賢鄉坳背爲儒童謝芳樹

之妻張氏立

節孝坊一在邑南三十里招賢鄉坳背爲儒童謝其綏之妻吳氏立

節孝坊一在邑南三十里招賢鄉新屯爲儒童謝定鵬之妻胡氏立

節孝坊在荷塘爲儒童袁之廉妻譚氏立

一節孝坊在路口鋪張家山爲儒童盧汝謨之妻李氏立

一節孝坊在邑南雙棗舖爲儒童李作莊妻戴氏立

一雙節坊在觀光爲鍾楷謨妻黃氏鍾文安妻黃氏立

分宜縣志

卷一

地理 古蹟

十六

一節孝坊在建溪爲生員黃有年妻晏氏立

一節孝坊在長陂坳上爲 貽贈登仕郎張曰榕妻李氏貽贈孺人立

一兄弟進士坊在邑北塘西村爲習家駒習家駮兄弟同榜立

節孝坊一在邑北介橋爲儒童嚴思節之妻黃氏立

節孝坊一在城南金鷄舖爲職員趙錫芸之妻張氏立

節孝坊一在城北觀光爲儒童鍾光棻之妻袁氏爲駮之妻袁氏立

鈐北蕭家坊李氏捐送節孝總坊基地記

同治四年歲乙丑余蒞鈴鐸卽以表揚忠孝節義爲厚風善俗之大端越明年秋兼攝正齋事遂延邑紳士遍行採訪共得節孝婦女百數十口卽爲彙集詳請

旌表八年春欽奉

恩旨准予就地建造總坊用光大節舉報紳士相城郭間乏公地因價買西關內近河岸李姓基地二所地非不寬而向背弗善也已而得鈴北蕭鳳坊李氏捐送西關內衣錦坊上首基址一大片橫計四丈直二丈有奇前臨秀水後枕七峯鈴岡峙其南仰山聳其西

分宜縣志

卷一

地理 古蹟

十七

規模宏傑誠爽塏也於是商諸舉報紳士相與籌貲費鳩工料公簽學中端士張宗愷董理其事興工於歲之孟秋越冬而告成焉過是坊者咸謂是坊得是基以建尤爲善美考是基係宋開慶進士朝議大夫李觀之三子秉容承管住坐衣錦坊之故址奕葉科宦鍾祥於斯嗣以房屋疊遭兵燹支下子孫遂徙鈴北簫鳳坊卽今之蕭家坊家焉時邑富民覲其基地就荒有願出數百金購求者而李氏夷然勿屑比聞闔邑公建節坊而李氏獨能商同族眾不名一錢舉而授之此雖李氏賢子孫慕義樂善之誠何莫非諸

節婦堅貞之氣所默爲感召者也余幸是坊成得以
礪廉恥而厚風俗因李子作楨等開具基址始末請
記其事爰書數語以期並垂不朽云訓導揭和衷譔
又價買李姓基地二所附載于后

同治八年闔邑公買西廂十甲李敦敘堂西門城內
坐南面北基地四長間又買李彥堂相連基地一片
兩共前至大路後至城墻左至袁姓地界右至鄭姓
地界契存學署

節孝坊一在邑北介橋爲儒童嚴升猷之妻林氏立

節孝坊一在邑北介橋爲登仕仕郎嚴思續之妻趙氏

分宜縣志

卷一

地理 古蹟

十八

立

節孝坊一在邑北介橋爲登仕仕郎嚴思綸之妻張氏
立

風俗

州小地狹賦稅及時民安吏循閭里無事

韓愈袁州謝表

士夫秀而文細民險而健

黃庭堅道院賦

鈐陽才藪也文章若盧公肇忠節若黃公子澄亦世所

希覲者

許持謙文廟記

分宜爲袁鉅邑也土生其間率崇節概而敦詩書

汪諧學記

分宜爲江以西奧區衝瘠特甚吏民罕有大頑黠扞罔

不可馴者稍一鎮戢幾希乎臥理

馬孟正五因樓記

地接湖湘俗雜吳楚壤沃而利厚人繁而訟多

楊侃郡廳記

山高水清好尚儒雅有豪傑之士

羅秀序

分宜縣志

卷一

地理 風俗

一

袁州地逼長沙逋民客戶喜獄好爭譏察既難綏馴不

易 鄭曉地理述

城內商民好禮神祈福正月則供船神各廂矜炫備極

水陸珍錯士夫之家交製涼傘奉神壇於中旬之末

商民焚香響花爆竹鼓樂前導鉦鼓之聲徹於數里唱

送神之歌前赴江干拜禱焚化歲以爲常上元自十

三至十六大放花燈各廂自爲聯屬聚於學前至數

百盆沿街傳看亦有龍燈鳳燈及他裝扮雜戲之類

自鄉入城者名曰鬧元宵亦曰社火鄉間多有效而

爲之者歌咏昇平比於金吾不禁云舊志

冠禮久廢婚禮不親迎其他尚有古之遺風女子將于

歸先期行上笄禮謂之尙頭問名納采豐儉稱其家

納吉謂之下信蒲節及歲杪各饋遺一次謂之大勞

亦曰勞節勞年卽古納徵意先期男宴媒送綵輿至

女家設宴亦如之女到門割雞斷煞然後至堂擇親族齊眉多子孫老婦揭輿幕牽新娘出輿盛飾男女合盞三日廟見禮成出廳拜族按照名分謂之見大小亦曰拜茶禮成傳茶菓而散城鄉皆同貧家不能備六禮亦有幼時通媒迎歸者謂之童養媳舊志喪禮士大夫家一遵家禮黜僧巫而大姓亦有用僧巫建醮者初喪每七日必具特牲祭奠哭踊至七七而止子女多者各備一七之儀受親友弔以三日爲限名曰開香豐儉稱家有無貧家竟不受弔贈自率親屬舉哀哭奠殯葬必用鼓樂葬無常期不免拘風水

分宜縣志

卷一

地理 風俗

二

家言暮功以下之喪臨喪穿素服餘日不甚持服則俗之弊也清明治餽團牲醴上塚掛掃七月中元子孫備帑錢帑衣告祠焚化名曰冥衣冥錢先世忌辰如期設奠祭舊志

祭禮各遵家禮儀注大姓舉春秋二祭亦有用清明冬至之期兩舉者而祭冬至之家尤多或用小除日行禮名曰祭臘凡祭皆族長主之年老則命子弟代或用新貴紳衿代之祭畢頒胙或餽餘每族設有公堂祠田惟同族合祀多不按世代祧主宗法久不講故變通禮文從俗從宜臘月二十四日小年夜祀竈曰

間掃屋塵除日各家以特醴白飯供寢堂聚族合饗
徹回各家團年大小聚食謂之吃公婆飯亦曰團年
飯元宵合饗謂之燒門神紙元日拜天神拜祖合族
拜年自元日至八日謂之新年八朝端午除歲親友
相饋問謂之送節中秋設茶菓賞月九日士大夫舉
登高之會十月望日亦有上塚者

舊志

按鈐山堂集懸車堂記云袁州古宜春郡其風氣
茂密城郭完固人皆力田勤生粳稻魚筍蔬菓之
利足以自資故重違其鄉溪瀨湍急大舟不得進
四方工巧奇靡之貨不至其民不見可欲土俗愿
樸鮮淺僞囂獷之習分宜固昔宜春地習俗不殊
邇來服飾器用漸趨侈靡是在司牧者與士大夫
相維挽而已

分宜縣志

卷一

地理 風俗

三

方言父曰爸母曰吾媽兒曰娃仔婿曰郎新婦曰新娘
亦曰新人婢呼曰新新亦曰新肖呼主母曰小娘或
曰老媪兄呼弟曰老弟弟呼兄曰哥哥從子或稱老
孫婢呼主曰官官少主曰侬侬又曰牙牙貴主母呼
曰太太奶奶女曰小姑娘婢呼曰姑娘呼幼奴曰某
仔幼婢曰某香某花午飯呼曰吃日中晚飯南鄉呼
曰吃晚頭此類不一姑述其概

論曰惟民生厚因物有遷日俗移人賢哲或不免也分宜俗情樸茂秀者沐詩書無敢譏議時政公庭亦鮮聞履聲宦遊四方者又多清忠自矢農安耕稼力田畝有土物心臧之愛無或淫心舍力工作備器用不事雕鏤商販土著者少人多重去其鄉亦無遠爲商賈者女子勤織紵親中饋內外肅然孀婦苦耐饑寒弱女皆秉貞性輕生就義視死如歸此皆其美者也至於葬謀風水愚民誤墮術中邇來民間宮室器用服御漸趨奢靡示儉示禮在士大夫之家互相維挽而已因編次風土而謹

書之

物產

淮海惟揚州厥土惟塗泥厥貢惟金三品瑤琨篠簜齒
革羽毛惟木島夷卉服厥篚織貝厥包橘柚錫貢荆
及衡陽惟荊州厥土惟塗泥厥貢羽毛齒革惟金三
品柁幹栝柏礪砥磬丹惟箇籟楛三邦底貢厥名包
匭菁茅厥篚元纁璣組禹貢

東南曰揚州其山鎮曰會稽其澤藪曰具區其川三江其

浸五湖其利金錫竹箭其畜宜鳥獸其穀宜稻正南
曰荊州其山鎮曰衡山其澤藪曰雲夢其川江漢其
浸潁湛其利丹銀齒革其畜宜鳥獸其穀宜稻周禮

分宜縣志

卷一

地理 物產

一

袁州宜春郡上土貢白紵有銅坑一唐書地理志

袁界橋茶其名甚著今稱仰山稠平木平者爲佳稠平

尤號絕品茶譜

穀之屬粘糯穀其名不一各邑所有而分宜稱名有別
有五十日粘俗名救公饑熟最早又有六十日八十
日百日粘及大粘鬚粘不等亦有名瀏陽早者熟稍
遲爲飯香軟凡粘穀有紅白二種近時山居間種旱
禾亦有黏糯二種其性不畏乾燥與早晚稻同熟實
亦如之糯穀有早糯以七月早熟或八月熟一種名
八月白又一種名南天粳晚糯以十月穫粒大而堅

俗名有白殼糯紅殼糯矮脚糯鴨婆糯九月熟者俗名重陽糯參嘉靖府志

麥之屬大小麥沾四時之氣九月種四月熟分宜水田旱土皆有種者然不如粘糯穀之多蕎麥與豆同種先後同熟

粟之屬有高梁粟狗尾粟雞爪粟及金豆子粟卽楚蜀間所稱包粟也參嘉靖府志

菽之屬有黃豆青皮豆茶子豆紅豆黑豆綠豆絳豆豌豆扁豆俗名峨眉豆蠶豆俗名蠻豆又名牛皮豆

泉之屬邑北山地多種芋其產甚廣每年三收五月後

分宜縣志

卷一

地理 物產

二

芋商雲集各墟市桑林一墟尤甚婦女亦多績芋爲布粗而不精曰芋布北布爲官稅所徵近則給價採買而不徵稅採有定村或三年一次葛則稀少木棉花紡絲爲布曰棉布

蔬之屬無特產者四鄉多芥菜而近城則種白菜佳者近黃芽菜種而甜味不及野菜中有野薑如小蒜而長者鵝冲菜稊米菜俗名曰蒔菜有蕨其根可取粉歲饑貧民掘以搗之名曰開土倉近年山農多種番薯可充三月之糧瓜之屬可佐蔬者治圃人隨時種之邑北山村出羊奶菜又竹木之間春初產小菰色

貨之屬糖漆茶炭

邑北二十七都烏社石可作硯材邑令曾興仁記

邑北二十七都三十里曰鳳陽橋又十里曰烏社道傍有石獨潤而細余往來過此心特異之曰此必硯材也一日於山間取數石製以爲硯果細潤發墨三者兼備久試之匪獨大異江西武甯九江玉山諸石且可與端歙抗衡也以數千年道傍經見不取之山忽爲余初採製亦異事也豈山靈至今始洩其寶耶後有取者當徵余言不謬

附載禁止澔塘打石燒窯示

咸豐四年知縣錫據前任豐潤縣知縣易炳晃候選
教諭張伯煜舉人黃洵廩生鍾成傑生員胡源等稟
稱竊維縣龍關乎闔邑過脉不可損傷道光辛卯年
間因城北澔塘村打石燒窯業經公局首事僱工培
補立碑永遠禁止在案茲復查知城北三十里櫪里
村之西邊有田數坵束脈復起平岡正是縣龍過脉
之所附近鄉民悞在此處挖泥開塘立窑燒磚甚爲
傷殘詢知該處田畝係張家坑張姓管業其田邊低
小荒山係大陂頭李姓管業現在窑雖停止誠恐復
行開挖公請禁止等情據此除批示外合行示禁爲
此示仰該處附近居民及里保業主人等知悉該處
龍脈關係閭邑風水止許耕種栽插不准挖泥燒窑
自示之後倘敢仍蹈前轍許里保指名赴縣稟報以
憑差拏究懲决不姑寬各宜凜遵毋違特示